

七  
緣  
芬

C. T. LOO & CO.  
41 EAST 57th STREET  
NEW YORK, N. Y.

NO. 536

HGT. 6 vols.

LENG. \_\_\_\_\_

光緒甲辰  
澄蘭室石印

MADE IN CHINA



THE GETTY CENTER  
LIBRARY



澄蘭室古緣萃錄卷四

古虞 邵松年輯



明

邊景昭翎毛花卉卷 瓶麓齋舊藏

絹本設色工筆高九寸一分長六尺九寸二分土坡一帶野竹數竿小草爭妍雜花舒采畫三貓一坐艸上銑茸一伏竹下仰首耽視一攫得翠鳥一隻回顧得意有二翠鳥驚飛直上毛羽蒙茸呼之欲活款在卷尾

武英殿錦衣衛隴西邊景昭作

景昭

按景昭名文進沙縣人永樂間召至京師授武英殿待詔至宣德間仍供事內殿花之煇笑鳥之飛鳴葉之反正蘊藉不但鉤勒得宜宋元後殆其人歟見國畫寶鑑續纂閩畫記此卷署武英殿錦衣衛與託載不符畫則精工無匹誠所謂宋



元後殆其人歟  
閩畫記云諸画譜皆謂隴西人蓋邊姓舊出隴西題款或署  
故郡遂至傳誤按此卷六署隴西郡名如祝枝山署太原文  
衡山署雁門皆此類也景昭子楚芳占籍錦衣傳其父法亦  
見閩畫記則此卷署錦衣衛為隸籍記中偶漏載耳

# 唐六如韋庵圖卷

瓶麓齋舊藏

絹本設色工筆高九寸五分長三尺六寸二分遠山一帶溪  
水中橫沿岸石骨峻嶒長松茂密橋邊弱柳競茁新條屋外  
夭桃猶含細蕊臨流茅舍一椽扶疏樹繞一叟據案觀書一  
童然香一童埽地橋頭野老持竿導一士夫匹馬隨後一童  
負秋一叟肩挑寫尋芳訪隱之意甚自得也卷首下角南京  
解元印上有借觀胡盧印卷尾題款下有遲雲珍賞印題詩  
另紙二

## 韋庵圖

晉昌唐寅畫

唐

唐寅  
松印



構得名庵竟若何情懷無日不雍和  
繞溪水色清流玉排闥山  
光翠擁螺靜裏研朱將易點  
醉中邀月鼓琴歌知君所好無塵  
趣肯許吾儕見訪過  
為吳徵君寫韋庵困並贈以詩  
唐寅

唐寅  
私印

六如  
居士

野店桃花萬樹低春光多在畫橋西  
行人自得尋芳興馬背詩成路欲迷  
曉起松林露未乾泉頭流水玉聲寒  
世間多少閒茅舍要向溪山好處安  
土作牆垣竹作扉前頭茆舍是吾歸  
不因問字重携酒依舊人來訪布衣  
綠水紅橋夾杏花數間茆舍似仙家  
主人莫拒省花客囊有青錢酒不賒  
既為友人



寫韋庵園適有餘興并系四絕

唐寅

唐

六如居士

印首俱有夢墨亭印上頁下角有永存珍秘世德堂二印  
右韋庵園一卷為唐子畏作余素不善畫未敢臆斷第論其  
人物之生動樹石之森秀布景設色文雅可玩絕無畫史習  
氣吾以謂松雪而後指可屈矣主者其慎保諸 枝山祝允

明

祝允

布

唐子畏先生於繪事如捧喝禪宗語默盡是生機解者了  
不僅于慧業文人中求之也此園尤其色空並設觀者當望  
而下拜 涵峯山人王守

誦

吾郡為人物淵藪而尤盛于正成之間山水則推文內翰人  
物則推周東邨能兼擅之者其惟唐解元先生乎先生出於  
李端古而益以文章滿洒氣宇磊落宜乎享盛名于海內也  
試展是卷思過半矣 榮香居士吳奕

吳奕

清秋氣爽啜茗長嘯得六如此弓閑之覺森秀之致撲人眉  
宇何異行山陰道上 文震孟

文震孟

此余故友唐伯虎解元為天都吳高士所作韋庵園蒼勁絕  
倫秀色可餐如游玉洞見諸真羽流丰骨俱仙洵乎近世不



可多得高士之孫應試入都携以見示并為索書湯題其後而歸之

雁門文徵明

文徵明徵仲

幽人結屋倚江干縛韋為庵只數間黃鳥隔簾詩夢醒紫鱗供饌釣舟閒簷前景色春常在柳外柴門畫不關誰識箇中

真樂處陶然天地一身還

彭年

彭年

葦庵新闢玉峰前雅志堪追萬古賢飲水曲肱齊孔子簞瓢

陋巷尚顏淵榮枯得失還從尔春夏秋冬往復然回首鳳池環佩者豈知鷗海浪游仙

高陽許初奉題

許初陽

一榻悠然樂事多四時風景復如何雨晴肯聽鶯啼樹風靜行看魚躍波琴瑟閒來調雅操塤篪吹罷間清歌憐余越水

盈：隔未得扶筇試一過

會稽胡廷貴次均題

貴

吳子令伊川究尋孔顏樂只在博約中卓彼後先覺古貌邁

英資質實鄙浮薄知性樂天真揖庵見佳作几席拂葛塵窗櫺納風月讀書萬卷餘日与兒孫說煮茗一甌香時待賓朋

啜陶然天壤間中心無愧怍富貴付浮雲功名任鐫鑿但願長如斯一身欣有託

萬歷丁丑九月既望俞允文題

郭河陽云見青烟白道而思行見平川落照而思望見幽人山谷而思居見巖扃泉石而思游者此畫令人起此心如將



真即其處此畫之意外妙也六如此卷筆墨秀潤而蒼勁清  
迴拔俗之境滿洒出塵之韻每一展開如身在畫圖中与之  
俱往覺東晉風流去人未遠明四家中吾於維也斂衽無間  
言矣 癸亥冬日題唐解元韋庵園遲雲居士文房清秘之  
玩寶之無數

唐六如春社醉翁園卷

瓶麓齋舊藏

絹本設色工筆高九寸四分長二尺九寸八分柳岸參差溪  
泉清絕花竹掩映茅屋三椽當窗一村婦弄兒簷下三人割  
飲一叟逸酒童子牽裾柳外一老者醉舞一人樓其背一叟  
揖之易携一童又一婦挈兒觀望前者一叟吹笛一人捧葫  
蘆隨之又一人醉極伏童子背過橋籬落雞雖牧童牛背見  
村舍人家婦子嬉游之樂春光一片只在溪邊柳色屋角花  
光遇之款在卷後卷首吳榮光葉應新鈞清云谷四印又二  
半印後有三橋居士印葉夢龍吳榮光二印

唐寅

龔



唐六如夏山欲雨圖卷

絹本設色高八寸一分長四尺四寸二分山嵐清潤雲氣模  
糊綠樹盈坡柴門臨水二老者在高樓憑眺竹軒內一童捧  
書一童依檻山木盡亞溪荻皆敍坡頭一人撐蓋過橋是風  
勢方狂雨點洒落候也首有平生真賞三橋居士印又定王  
之印曾存定邸行有恆堂印尾有項墨林鑑賞章明古珍藏  
元馮孫氏國寶珍藏行有恆堂審定真品五印款在中後

戊辰秋日寫得唐人山雨欲來風滿樓之句

晉昌唐寅

唐寅

南京  
解元

題夏山欲雨圖 千山坐久千龍遶似是帝遣君雲封玉鬢  
不辨青婀娜華堂難撲金夫容已應義駁走驕日或有雷門  
呼蟄龍天閣元氣漏不斷倏忽氤氲二儀滿遠看隴樹春欲  
無近即庭花暝若暖邨麥苗俱望幸川漁子希休澣欲  
雨不雨山之姿欲吐不吐山之奇指端已覺氣出沒眼底尚  
鬱天淋漓丹青洗盡太素出彷彿乾坤合闢時誰為展助高



樓色況有蛟螭蟠四壁摩挲絹素若未乾稿首長空俄漢墨  
野夫飽膝一沈吟山畔耕夫望雨深亦知大旱為霖石終是

南山隱霧心

長洲祝允明書

明印

祝氏

唐子畏先生風流高曠恍如神仙中人致一發之於詩與畫

而自然清雅不凡此山雨欲來圖儼然真境更得京兆先生  
書以正之豈稱二絕矣 高陽許初識 許初 顧元

# 唐六如仿古山水冊

瓶麓堂舊藏

紙本淡設色八開每高一寸闊一尺五分冊首二頁題六如  
做古四大字款徵明有徵明徵仲二印角下有會稽梁氏圖

書之印上頁有戴彥銘曾經閱過印

第一開奇峰斜矗中露樓閣脩竹壓檐密柳垂岸鈎勒清勁

渲染濃滋題在右角上下唐白席印又德奮父一印

趙幹山水師荆關屋宇師忠恕屋宇不用界自恕先始用界折

算無遺自伯駒始其後李嵩輩則是木工界法終成下品

唐白席印



第二開罽阜平迤老樹孤撐茅舍一椽二人對坐隔水山勢  
隆起絕無點皴筆愈簡而愈老澹愈淡而愈厚畫品之高當  
推此種題在左上右角下唐居士印

趙大年脫去畦町自成一種嫵媚可人同時有陸瑾士元師之

常作湖天曠蕩之景真可謂大年功臣

唐白  
虎印

第三開巖臺獨闢異境忽開洞裏平坡一叟扶筇獨立白雲  
動宕咸在脚下樹法簡淡暈托渾成題在右上

許道甯陳用志翟院深三人俱為李咸晞高足

唐  
鏐

第四開峯巒濃厚烟樹迷茫白雲滿巒浮動帝上題在左上

王洽能以醉筆作濃墨遂為古今逸品之祖

唐  
鏐

第五開重巒起伏點染濃滋一稿斜橫樓閣隱約咸在樹杪  
布景設色無不入古題在左上



第六開邱壑奇闢林亭高古筆墨不多而靈心異境咄咄逼人題在左上下角有唐伯虎印

黃子久一邱一壑自是過人

唐

第七開巨石一拳老樹一枝柳色烟拖竹叢霧結屋宇橋梁雖六畢具而不在布置之工只見筆墨之厚題在右上下有唐白虎印

倣商德符學摩詰筆意

唐

第八開巖石突兀中懸飛瀑兩崖缺處一橋前橫山角層樓一人獨坐此外惟枯樹數株青山一片題在左上

李晞古雖南宋畫院中人體格不甚高雅而邱壑布置最佳

唐

子畏人在晉唐上而畫法亦不在晉唐下宜乎個儻其襟懷而此作又子畏得意者可不珍重而玩之矣古今不相及而



有間耶

王寵

王履

王履

唐六如山靜日長圖冊 瓶麓齋舊藏

絹本設色工細十開每高六寸三分潤一尺一寸一分款在  
末一開每頁均有唐寅私印第一頁上有南京解元印首下  
角有遠口口阮口口口二印左角下有盧襄之印一印第  
十頁右角下有口口之印梁谿安氏家藏二印左角下有錫  
山華氏補庵家藏印一印

第一開寫春夏之交蒼蘚盈堦落花滿徑數句意峭壁層岩  
峻增露骨山坡平曠花竹清幽林木陰森中藏茅屋臨溪小  
橋板窄一人攤帚掃花結楫綿必點染精工

第二開寫門無剝啄松影參差禽聲上下午睡初足旋汲山  
泉拾松枝煮茗茗啜之數句意茅屋數椽衆山圍繞蒼松翠  
竹掩映簷端一榻中縣一人高卧屋後飛泉直瀉前溪度澗  
支木為橋一人挈簫汲水林巒深邃有萬壑千巖之勢

第三開寫隨意讀易國風左氏傳離騷太史公書及陶杜詩  
韓蘇文數篇意遠山起伏軒閣臨溪脩竹萬竿長松百尺一



人據案觀書童子檢書架上林間蕉綠山脚泉清布景清幽  
高風可想

第四開寫溪容步山徑撫松竹与麝犢共偃息于長林豐艸  
間坐弄流泉漱齒濯足數句意岩石嵯峨我溪泉清澈長松茂  
樹倒影波心一老者臨流濯足高岡上一鹿齧草一麝伏地  
意境幽深令人生遺世出塵之想

第五開寫既歸竹窗下則山妻稚子作笋蕨供麥飯欣然一  
飽數句意孤松壓簷脩竹植後碧梧紅葉掩映庭前老者當  
軒啜餌稚子侍旁一婦在竈前作炊一兒撒手欲抱壁間蓑  
笠高懸庭際鶯鶯深覆山家風景世外高情令人尋繹不盡  
筆墨之妙不可言傳

第六開寫弄筆窗間隨意大小作數十字展所藏法帖筆跡  
畫卷縱觀之興到則吟小詩或草玉露一兩段再烹茗若一  
杯數句意茆堂軒敞松竹環繞一老人臨軒作書一人看坐

童子窓裏煎茶溪水潌迴蒼苔滿徑

第七開寫出步溪邊解逅園翁溪友問桑麻杭稻量晴校雨  
探節數時相与劇談一晌數句意茅屋依巖山汪繚曲清溪  
逸檻遠岫當窗老叟扶杖緩步崖前二人相對閒話樹難丹



黃略點綴秋深景色畫中必不可無之一境能使玉露一段中語句：可以活看也

第八開寫歸而倚杖柴門之下則夕陽在山紫翠萬狀變幻頃刻恍可人言數句意柴門臨水疊石為垣山色溪光斷霞相映遠屋松竹青翠木葉已凋由漸入深畫理縝密第九開寫牛背笛聲兩、歸來而月印前溪矣數句意樹木蕭疎溪岸隱約坡平路闊小橋前橫牛背牧童吹笛一犢後隨又一人策一牛尾之月色迷濛正是初昏時候第十開渾寫大意作結兼東坡無事此靜坐詩意屋宇高敞籬落深幽雜木列前脩篁植後清溪左帶崖石右峙一叟當軒默坐翁供佛像一尊遙望則山峯重疊一片烟雲此外當盡是牽黃臂蒼駘獵于聲利之場者矣

# 正德壬申九月唐寅畫

唐

此冊載退谷庚子消夏記云無錫華氏延子畏至劍光閣三閱月始成後歸龔合肥真定梁玉立見而愛之携去其畫仿摩詰輞川圖及李龍眠山莊圖極工緻而有生韻此冊末頁有無錫華氏印其為退谷侍御所見之冊無疑惟稱十二開



此則十開然玉露一段佳文曲折都盡決無散佚當是退谷  
誤記耳惜華氏有跋失之前後數印又不甚可辨

# 唐六如仿宋人鬪茶圖軸

絹本設色高二尺二寸七分闊一尺七寸七分古柏二株挺  
直上坡前野竹青翠成叢二叟息擔品茶一人持扇煎之  
筠筐竹架爐碗壺瓶色色俱備容兒清奇衣摺古雅器皿精  
緻廚擔玲瓏款在右上

正德辛未四月廿又二日蘇臺唐寅

唐寅  
私印

唐

# 唐六如競渡圖軸

瓶麓堂舊藏

紙本設色高四尺四寸闊一尺四寸一分亭閣交輝橋梁互  
映層巒遠峙密樹周遭溪水淪連烟雲繚繞有三龍舟盪槳  
波心士夫婦女野老村民扶老携幼觀者如堵有樓頭憑檻  
者有橋上倚闌者有舫中推篷者有閣前依欄者林間石徑  
人猶絡繹可謂盡情極致右角下有邦獻之印盧芸翹珍藏  
書畫之印款在左上



過飲九達王兄大醉而歸便舟得觀競渡之勝殊為技癢因此  
寄意必為識者之笑但興之所至不能自抑也 唐寅 鏤

唐六如墨竹軸 瓶齋舊藏

紙本高二尺七寸五分濶一尺五寸四分枝葉橫斜筆墨滿  
洒左角下有白虎印又貝壩印絹邊右有吳郡謝希曾孝基  
氏審定安山子阿曾秘玩三印左有張經私印審定珍藏二  
印題款在上跋在右邊絹上

唐寅畫竹藁頗似生成者元非筆有神蓋是心自野 無印

凡畫竹無古法而兒取形似者下也精于法而任意揮洒無  
不合度者上也如法肖物而不欠如物施法而不溢止于恰  
好行于自然者至也六如此圖幾与物化 庚午八月十又  
八日安山記

題簽唐解元點竹妙品黏于畫右旁注云此王相國額庵物  
也題簽乃其手書簽上有西田一印



唐六如墨蓮軸

紙本高二尺五寸四分闊一尺三寸一分荷葉二莖一承一俯蓮花二朵一開一苞間以水草葉之向背花之濃淡靈動如生真逸品也有石渠寶笈等五璽左角上有真賞丹誠二印中有琴書堂都尉耿信公書畫之章下有楊芬閣印右角有唐居士印公字印信公珍賞印中有珍秘宜尔子孫風流最愛白香山印下有毓慶宮書畫印澹如齋書畫印耿會公鑑定書畫之章題款在右上大行書

學佛俄經二十年于今地上擁青蓮我來願結三生友共看當時手指天 侯生居士修佛有年其友鈕君惟賢因乞予詩畫

稱壽 嘉靖改元壬午季秋晉昌唐寅

唐寅私印

南京解元

唐六如右軍像軸



紙本墨筆高三尺三寸六分闊七寸四分一人烏巾道服儒雅風流左扶葫蘆右手執筆後隨二童一拈花一捧硯別無布景右角下有南京解元印款在上方

微步覺遲、清吟動我思呼僮渾埽壁走筆有羲之唐寅

唐寅  
畏子

仇十洲金碧山水樓閣卷 瓶麓齋舊藏

絹本青綠工筆高九寸五分長一丈又七分大青大綠設色濃重鈎勒皆用泥金其中巖壑之幽深花木之妍麗水波之動盪山石之峯竒樓閣之崢嶸帆檣之快利人物之精細無不窮工極巧蓋其畫法全仿宋人有似趙千里者有似張擇端者有似劉松年者而余尤愛其畫松細針密縷神妙直到秋毫巔前有題首四字仙品無上款畊漁老人印如之又有一行一揚州研經老人藏本隸書一儀徵許氏家藏仙品上一吳縣李氏卧雲樓秘寶一無錫東溪黃氏珍藏卷首角

古緣萃錄

弓四

九

澄蘭室



下有十印多不可辨款在卷尾

仇英製

洲十

光緒三年冬月購藏于瓶麓齋四年初夏付潢工監燕泉重裝  
振甫楊慶麟識

丹青志謂實父特工臨摹落筆亂真清河書畫舫云實父畫蹟臨摹遠勝自運則是畫必有所本惜未著明耳

仇十洲仿李龍眠揭鉢圖卷

瓶麓齋舊藏

紙本設色工細高七寸五分長四尺六分紅豆樹館書畫記載有李伯時白描揭鉢圖摹本言圖中摹寫毛羽鱗介諸變怪及山妖木魅之屬奇形詭狀不可窮詰又有魔兵鬼卒執械樹幟意若待戰又有移山前注者鬼子母則據地而坐旁立一小兒諸女環侍于旁或曲踞進觴或附耳密語驚怖之色可掬賓迦羅覆于鉢中衆鬼支木作架引鐵絙曳之木折絙絕有顛蹶者并前則衆鬼擊鼓鳴鉦奮身欲鬪注云矢墜刀斷倉皇而遁世尊旁僅迦葉阿難兩尊者侍立金剛神擁



護而已是卷大同小異而又有兩師風伯電母雷公等像按  
揭鉢故事蓋出于經典婁子柔學古緒言述吳文定跋以為  
五代人所畫沈石田跋又稱其設色則是國非創始龍眠亦  
不專事白描此卷實父所摹當亦不拘于成格也卷前印  
章彙有仇氏實父一印餘不具錄款在尾二行小楷

# 實父仇英做李龍眠筆法

父實

## 仇十洲園亭勝景卷

絹本青綠工筆高一尺五分長七尺五寸八分設色鮮妍布  
景精緻起手巖石葦翠坡樹縈青流水迴紋遠山如黛漸入  
林陰幽處蘭蕙芳粲屹立空亭棋枰安置亭前雙鶴或啄或  
鳴略約鋪平闌干繚曲薇舒錦碎荷疊錢圓籬障因花窗軒  
面水二人尋芳屋角一童澹硯溪頭但見柳含碧浪蕉蔭綠  
天華屋宏開粉牆周繞鋪設則湘簾翡翠几供養則茗椀香爐  
滿架圖書無邊花木瑤琴一曲能移我情矣門外則細草鋪  
茵長松張蓋紫藤蟠繞綠篠參差一童竹裏煎茶一人石邊



觀瀑盡園亭之勝景極畫工之能事卷首望益齋一印款在後

# 仇英實父製

十洲  
仇英  
實父

相傳十洲畫自運不若臨摹今觀此卷工細秀潤款印俱佳  
真迹無疑然有可議者三屋宇既用界畫樹裏牆垣未能取  
直一也簷椽須視瓦為斜直乃于屋之中處強分左邊與上  
瓦不相屬二也滌硯童子已在隔岸乃校籬外二人猶大三  
也凡此皆畫理不能入細處豈自運之故耶早有定論自可  
無以此致疑

# 仇山洲送朱子羽令鉛山園卷

絹本青綠工筆高一寸三分長二尺四寸五分峯巒聳翠松  
柏含青飛瀑崖高侵雲路細平坡臨水柳下艤舟二人岸頭  
話別一人後隨一童肩琴書隔溪層嵐起伏一水空明蘆荻  
清疏漁艇對泛氣韻生動風景宜人下角明善堂珍藏書畫  
印記尾下角李竹朋收藏書畫之印題首交游名蹟四篆字  
款壬子臘八日許初為子羽先生題元復帝高陽之苗裔二



印款在卷首

# 仇英實父製

仇英之印

送朱君子羽令鉛山敘 朱子羽氏與同祖同年友也補鉛山令既拜命于廷行之日同祖去送之與之別而言曰嗚呼

惟不易乎令令易行道者也道有不能行諸天下而可及夫一鄉一邑者勢便乘利則殊也夫公卿大夫位非不尊也任

非不專也責非不重也據上致之下又非不便且利也然而或有未易行者何則分遠也分遠則情不能盡達情不能盡

達則意不能無不悖而澤有所不濟矣而又有弗獲乎上以移其職守或其承之者之不能盡如吾意於是乎始有憾矣

令則不然一邑之地大者過百里小者纔數里聚廬以居環壤而食朝夕接見知其驩欣懃懃之狀鬼僂溇野之習頑

率循梗之情令得而賞罰之約束之拊循之可計族而周也可期日而治也何則令最親民休戚所關最切其分近其情

親其意屬其為政易施其為教易浚也故曰道有不能行諸天下而可及夫一鄉一邑者勢便乘利則殊也嗚呼令之弊



可指也承事其上以邀美名而名之曰良其有假耳目於吏  
胥以為察而名之曰明甚而嚴刑重斂為民刀俎以興事為  
功而名之曰能於是乎上下始判分近而遠情親而疏意屬  
而絕民始不聯生矣夫以有勢便乘利之資而關沮之豈不  
可為太息哉君之令鉛山也適其分而毋以亢之昭其情而  
毋以蔽之宣其德而毋以違之剔蠹芟莠以植夫善良恤隱  
決滯以瘳夫疾困離智絕慧以臻夫至道因乎勢便乘利而  
施之惠焉則見道之所及罔不感孚形聲影響不疾而速四  
境之內漸至化而沐宏澤猶反掌耳君將有志于天下者也  
其試以鉛山始子羽作而唯之曰得所以贈我矣遂別去其  
送弟全甫進士請書諸榮以歸焉嘉靖二年尚章協洽中  
夏既望賜進士出身翰林院國史編修崑山王同祖敘

翰

子羽將往鉛山以詩留別予辱年家至厚次韻二首奉餞

捧檄欣然欲去忙携家取道過錢塘都門坐惜心知少江水  
何如別恨長百里重農人賣劍萬方無事帝垂裳內臺祇是  
三年隔莫動平生鉄石腸別酒相隨我亦忙幾尋僧寺幾  
林塘親民自愛郎官好學古兼聞吏事長魯下治功先禮樂



鄭人與誦及冠裳憑君記取臨政語一：數心腹腎腸 石  
湖廬襄 襄廬

詩遇奇人不費忙古來春草有池塘新盟正倚金臺重別意  
俄驚玉漏長未向都亭折楊柳且送高竹挂冠裳詩成莫遣

玲瓏唱預惱江南刺史腸 長洲錢貴 墨林 耕耨  
暮色翳停舫銜離潞江泊西北飄風至肅：吹輕袂叶豈謂

我平生遠之雲山別清川有游鱸中林無鳴鵲惆悵玉尊晚  
憶恍氣中結美人去鳴琴千里阻燕越鉛色倘余望平我家

臨丹闕何以寄縵縵遠：青天月懸屬有芳蘭無使馨香絕  
友生延陵吳子孝賦 淨因 庵主

夫古者民牧之責諸侯有土卿有采地夫夫有邑各得其民  
而主之以獻成于天子自秦郡縣天下而此制已廢縣有令

令拊循其民越三載考績視殿最而陟黜之其即古諸侯之  
制責亦重矣重令所以重夫民也令也者其與天子公卿共

牧斯民者也故等為列宿策以理人者其亦知所重已國家  
以令與民親民之休戚係焉其置令也必隨地擇人視古尤

重所以平其政以生養斯民者惟今之為令以循良著者入  
為臺諫以當激揚之任蓋即古試以民事意也世或別內外



而軒輊之是無意于民以行斯道者也豈國家置令意哉吾  
兄子羽以進士補鉛山令予深夸其得行道以勤斯民也及  
謁之見有愀然色予疑而質之曰其以鉛山要而劇乎抑以  
其民黠而玩乎無乃以其罹兵革而凋瘵也曰非然也吾之  
行也鎮割以靜勝黠以清率凋瘵以儉於送政乎何有願予  
所憂者將行其志以勤鉛山之民而慮莫予遂也曰兄之憂  
過矣非予之敢知也今世道日泰百度貞賞罰明上下飭戒  
熙有隆古風士欲行其道者夫誰居之以兄精于吏事加  
之以仁恕而持之有恆道其行矣鉛山之民鼓舞而浚化矣  
頌聲作而發聞于上矣孰牽制而過為之憂也予為兄憂者  
方有意于勤鉛山之民而激揚之任將有所待竊恐不能久  
為鉛山留是則可憂也曰子能廣吾憂吾其行矣予曰錢之  
郊遂書之以為贈 嘉靖癸未夏仲望前二日愚弟朱節頓

首謹書

文全

癸未

宋樂

國齋

崑山徐炯觀于保陽館舍時甲午夏四月也

銘華

跋內前後項墨林印三十竹朋鑒定印一

# 仇文合壁獨樂園圖記卷



紙本淡設色高八寸二分長一尺四寸五分巨石一拳古柏  
瘦株一株橫偃溪上一叟豐頤美髯丰神滿洒坐柏榦上納  
涼聽泉蓋司馬相公也綠草盈坡清泉漱石筆意簡淡雅近  
衡山十洲變格也卷首下角有卧庵所藏印畫尾有朱之赤  
鑒賞笏齊氏珍賞園書記顧子山秘篋印款在前

仇英實父製 實父

記紙高八寸二分長三尺七寸五分首題獨樂園記文四十  
五行二十六字款二行小隸書沈著透快揮洒自如前有卧  
庵所藏畢懋康印放情邱壑三印後有寄傲墨林山人子永  
父印休甯朱之赤珎藏畫書顧子山秘匿印朝元洞僊六印  
嘉靖戊午歲秋八月十一日書于尚友齋 徵明

文徵明 衡山

老病自憐憔悴三徑初成萍滿芳池春水富貴浮雲塵土西  
風猶借此翁滿洗歲寒相對卷飛泉繞屋聲喧小窗坐地但  
笑指盈一一曲而已 且引玉觥沉醉今賞心樂事淵明  
最愛菊詩酒社略相似出門一笑去湖海平生豪氣誰憐故



山歸夢昨非今是集辛稼軒詞多少英游消歇枝上鶯空  
曾醉好春時節接葉巢鶯古木迷鴉碎却翠雲千疊唾壺敲

缺聽泉聲湮影浮烟明波洗月心雪竇高寒獨抱孤潔  
林間英物青苔古根暗裂錦香繚繞地隨款步奈紅葉弄

泉試照影還歎髣髴雪間情便隨鷗去浣紗人說集張玉  
田詞右調道遠樂集宗詞二闕題仇十洲獨樂園園按司

馬溫公獨樂園方廣二十畝有堂有軒有亭有臺引水為渠  
潏洄映帶十洲此園貌公科頭坦腹徙倚于清泉之曲翠柏

之陰意在剪取弄水軒釣魚菴一角能令臨高縱目逍遙適  
意神情躍然紙上的是傳神高手古來一代偉人勲業文章

震耀宇宙洎乎功成身退頭養林泉若裴晉公綠野堂韓魏  
公畫錦堂之類指不勝屈溫公以獨樂名其園即范文正所

謂先天下之憂而憂者後天下之樂而樂其與石隱者流痼  
癖烟霞膏肓泉石者不可同年而語矣文待詔隸書園記劾

健古雅直入唐人之室以配此園允稱雙壁  
光緒四年重  
九後三日良庵頤文彬并識

仇十洲十美圖冊  
瓶麓齋舊藏



縮本工筆十開每高六寸八分闊四寸六分對頁皆有陸子傳小楷傳記畫筆精細絕倫楷法亦極工整

第一開羅敷 子傳楷書六行行廿一字

第二開鶯 子傳楷書九行、廿九字

第三開蘇蕙 子傳楷書七行行二十字

第四開上官婉兒 子傳楷書八行、廿一字

第五開謝道韞 子傳楷書七行行廿三字

第六開卓文君 子傳楷書十行行廿九字

第七開蔡文姬 子傳楷書五行、十七字

第八開班婕妤 子傳楷書六行行十九字

第九開楊妃 子傳楷書七行、廿二字

第十開雲英 子傳楷書七行行廿四字

寶父仇英 十洲

嘉靖甲子孟秋六日陸師道書 陸子傳

仇實父畫人物与唐子畏並稱自是有明一代作手其書法上秀勁環香堂法帖中有寶父數行雅有晉人風味蓋書画古緣萃錄 勻四 澄蘭室



本是一家眷屬能書不必能畫而能畫則未有不能書者也  
仇畫傳世贗品甚多此冊審是真跡陸子傳書亦深涉衡山  
筆法精妙動人可寶也 同治癸酉十一月振甫楊慶麟識  
明代畫人物惟仇唐兩家為最十洲謹守宋人矩矱設色精  
妙尤涉不傳之秘唐子畏則別有一種仙風道骨其神妙處  
更在筆墨之外胷中多數百卷書下筆自然迴不猶人雖精  
詣如仇尚當避舍然觀十洲所作上林羽獵諸圖車馬冠服  
以及珍禽異獸皆有典型此豈胸無點墨者所能臆撰耶世  
傳十洲不通文墨吾不信也 光緒元年三月八日展閱漫  
書 振甫

仇十洲西廂記冊 瓶簃齋舊藏

絹本設色工筆十四開每高七寸四分濶七寸四分布景工  
緻設色精妍屋宇亭臺花木竹石以及陳設器皿無不精備  
而人物尤所著意使神有在筆墨之外者無款每頁有十洲  
巢林一枝二印疑尚缺數幀畫意證之衡山先生所書齋廿  
四頁此十四頁中有佛殿奇逢禪房假寓鶯鶯聽琴惠明寄  
簡白馬解圍乘夜踰牆紅娘請宴堂前巧辯齋壇兩會長亭



送別倩紅問病在臺窺簡畔橋驚夢月下佳期餘想失去故無後款也

往歲購得文衡山先生七十後所書西廂記一冊蠅頭細楷精妙無匹獨惜無仇唐名筆圍繪副之每於暇肆留心搜訪今果得實父此冊以之配傳雲妙蹟正如璧合珠聯可稱墨緣奇遇晴窓展玩書以誌喜同治癸酉十二月既望振甫園中點綴屏障仿雲林海嶽筆意作山水小景正如王維雪中芭蕉神妙處直入化工矣

瓶齋印

### 仇十洲寫黃瀄父詩意冊

繪本設色兼青綠八開詩八開紙本畫高六寸七分闊四寸六分詩高如之闊欠三第一開有石渠寶笈乾隆御覽之寶二璽詩第一開有有明王氏圖書之印又周氏珍玩一印第一開仇畫峯高疊翠松老縈青茅結山坳籬編徑曲有一人負米而來款在左上小楷

### 仇英實父為鳳洲先生補詩意

實仇父英



第二開黃詩

鶴餓鶩飽古未然一飯周貧尔獨賢十日誰憐茅漏雨三旬空  
笑突無烟粳分南國香應遠種出新城味更偏食力未能同孺  
子令人慚愧伐檀篇 右荅張幼于惠米 俚言呈鳳洲先生

覽正

黃姬水

黃姬  
水序

第三開仇畫綠柳沿堤柔條輕颺青葱一片雲氣高浮氣韻  
極為生動左角下仇英之印

第四開黃詩

春煙嫋々雨濛々梁苑隋隄一夢中纖葉空憐半江水殘行猶  
怯五更風水豐園裏情無限蘇小門前曲未終寄語飛花好栖



泊莫教飄蕩恨西東 右長干柳

第五開溪山路曲花柳春深烟月空濛坡陀平曠二人並轡  
橋頭闌干一帶飛瀑聲喧右角下仇英印

第六開黃詩

空自時標千里駒與君同哭阮生途足離楚國方為玉泣下鮫  
人始是珠七首風霜羞烈士馬蹄花月憶名都各天南北應難  
見頭白臨歧酒一壺 右金陵送盧山人歸濬縣

第七開仇畫高軒明敞有蔭孤松藤紫初華薇紅競放庭前  
芍藥數叢芳粵石畔三人當階酌酒三童子侍右角下仇英

印  
第八開黃詩

淺白深紅鬥合歡絲香雨晝難乾直須一日三百盞無那東

風十二闌水上新傳錦字豔樓下長怨玉簫寒可憐春色隨花  
盡留興還應帶月看 右賞芍藥

第九開仇畫林樾蔥翠中雜丹黃溪水波平石巖路曲二人  
尋幽散步隔岸烟樹中露樓閣知爲蘭若也左角下仇英實

父印  
第十開黃詩

幾年游洛客此日掩柴荆池草方無夢山猿始不驚勞人知酒  
德靜者識雲生欲解還山意君看芳杜情 右清父弟姜山人  
過齋中作 人境歎靡騁空門藜杖寬旗林秋不落佛火晝常  
寒泉石賞心晤山河具眼看余腸無一染禪悅心宜餐 右大  
林僧舍作



第十一開仇畫軒窗明淨梧竹爽清一人憑闌默坐案設琴  
書庭際苔痕映綠草色縈青知是新秋天氣右角下實父十  
洲僊史二小印  
第十二開黃詩

客中逢令節幽意託蘭蕙而暗江潮至秋回天漢移嵇康不偶  
日王粲未歸時欲向隼星問應曾解別離 右金陵七夕 鵲  
梁依漢起龍轡逐颺馳石冷香梭歇榆深仙翟移何當一夕詣  
番動弥年悲會晤苟如此不同長別離 右詠牛女

第十三開仇畫青山一片紅樹千重雲影當空竹籬短瓦二  
人岸坡緩步一童後隨右角仇英印  
第十四開黃詩

謫身赤縣去挂籍丹臺中間塵易隔海底路難通龍泥光逼

斗鶴信遠乘風玉虬不可駕惆悵望仙宮 右蓬萊道人寄書  
曲 冰鐸為身衛十年隨敝袍顧茲一諾重豈惜千金刀照  
昆吾鐵翩扶風豪相看把贈處萬里秋雲高 右康山人以  
佩刀贈顧生余賦之

第十五開仇畫溪山繚曲林木全活雪影迷空橋亭遙對蘆  
荻叢中一人扁舟垂釣遠山松柏賸有餘青左角十洲印  
第十六開黃詩

有客不偶世長歌意何如名高劉生諾淚盡鄒陽書獨夜鳴枯  
裏千山積雪餘飲君爐頭酒江水渺愁予 右飲盧次樵有贈  
一水阻良覲寸心勞自知向來攜李夢猶似秣陵人病花期



晚天寒雁到遲懷賢搖落候一倍感凄其 右金陵歸寄陸祠

部

唐小李將軍一派精能工緻傳至宋而有趙千里元有錢舜舉皆能工而兼雅趣迨前明仇實父尤極其致此八幅為鳳洲寫詩皆得其意古雅精密脫盡畫師習氣杜老作詩註外有事在論畫何必不然實父雖非章句之儒然鑒古頗多又日与衡山諸老誦習六荀子所謂染人湛於丹青也 光緒二年丙子元旦燈下長沙自庵老人并識

詩韻

仇十洲白描羅漢軸

甲午秋在中州得見此冊議值未就歎其北返只作過眼雲烟不復置念翌春重過大梁仍求售目稍增其直得之可謂有緣自庵老人稱其古雅精密脫盡畫師氣習吾謂其只是氣韻生動也占送別圖一卷一冊可稱雙璧

紙本高一尺三寸九分潤七寸九分菩提一樹葉用瓊鉤墨暈一尊者袒臂撫樹立白眉脩耳像極莊嚴左角有實父小

古緣萃錄

弓四

六

澄蘭室

印極佳無款

仇十洲倦繡圖軸 瓶麓齋舊藏

絹本設色工筆高二尺一寸闊九寸一分離宮一角塗飾壯麗庭際花畔清芬玉蘭一株高逾百尺一美人刺繡當軒作困倦狀右角下有十洲胡盧印無款

錢杅寶駐節聽歌圖卷

紙本設色工細高七寸四分長一尺八寸五分柳堤一曲桃李初華出水蒲芽波痕映綠一人烏紗捧酒一老者勸後隨一童執壺一童響板紅服者作接酒狀後立一童袖手匹馬在前一人牽之一人執節以俟題首駐節聽歌四大行書款洞陽願可久書与新二字印尾有錢泳曾觀楊紹和鑒定二印款在卷前

乙巳閏月吉長洲錢穀製

錢氏杅寶



送進士華君奉使還朝詩序 嘉靖辛丑維秋賜進士華君  
從龍奉慈壽皇太后之詔出使江南便道歸省其父海翁翁  
卒喪既除將以乙巳春二月二日北還其子壻太學生秦君  
子白繪園徵詩餞焉謂容辱与君交最久知君最深宜為序  
容辭不獲迺言曰觀于鄉而居官可知己君少聰穎讀書不  
越戶限家雖富無分毫驕惰之習博文學敦節行動輒師古  
人登第家居則發廩以賑饑買田以給母黨立義塾以訓愚  
子置義莊開社倉以贍宗族鄉邑諸所為皆人所難行且官  
翰苑否則臺諫否則銓衡皆其優為由是出入將相舉夫施  
于鄉者措之天下特易尔故觀于鄉而居官可知己容復奚  
言夫士每以天下事為不足為然多不能自立者利与畏害  
之也利則不欲為畏則不敢為非素定力守鮮不變易焉宋  
范希文自少於富貴貧賤毀譽歡戚不一動心而慨然有志  
於天下常自誦曰士當先天下之憂而憂後天下之樂而樂  
卒之典西府參大政德業聞望為三代下第一流人物韓魏  
公歷仕四朝夷險一節臨事決疑不動聲色定社稷安國家  
屹然為宗名臣嘗言臨事慮既是當立定更不移又云人皆  
有忠義之心惟執之不固勉之不力是以不逮古人蓋志定

而力能守者如是君之素志定矣由是守之以力雖韓范亦  
不足多讓何利与畏而變易之有昔人有言之燕而南其轅  
者發軔之初差豪釐則繆千里言始不可不審也君今歌皇  
華而未固必能體聖天子之心宣上德達下情以慰當世之  
望願容所望于君者殆不止是力守以成厥志則自今始猶  
發軔之初也之燕而轅北燕雖遠至矣子曰君之言吾舅  
氏之意也請書以為諸作歌者之倡 奉訓大夫漢州知州  
友生倪容序

仙

方泉山人

畫鷁繫垂楊春風汀芷香莫教容易別且盡手中觴匡國平  
生志酬知閭里光不須論去住離思獨難忘 雁門文彭

敬

文壽承印

遠錢軺車使春山啓別筵清歌催送酒急管駐行軒驛路花  
如雪都門柳似烟會須握彤管早寄帝京篇 錢穀

錢穀

錢穀

懸

懸

東溟日出天皎皎誰白誰紅盡分曉仗劍臨風笑語間匡時  
意思知多少廟堂漸切希文憂器局肯效夷吾小此行莫作  
等閒看萬里天衢馳騁裏與君別對君誨強弩有急矢平地  
無危坡功名富貴逼君去躊躇四顧君欲如之何 顏彥夫



金石交游四十年君登要路我歸田清尊話舊繞聯席使節  
趨朝又召天白首無煩憐漢落蒼生有望極顛連周咨獻納

皇恩到舞破蓑衣野水邊倪容 紉 似

仙鷁留江許星旌繞別筵波搖葭莢碧風動羽儀翩暫醉驪

駒曲行歸鳳沼前秦樓望京國春滿五雲天倪觀 齋

倪學中印

鳳節遙臨江水湄欲行還止意踟躕難忘葭玉新交誼易阻  
雲泥古別離水驛微茫千柳映帝鄉縹緲五雲披到時應有

蒼生問莫道東南尚可支吳門周天 齋 璣印

使君雅抱匡時略家食知非志所居念切民恫先草疏情懸

鄉曲早緘書丹衷為國心常耿明主掄賢席正虛江上驪歌

心共遠書生真愧一匏如吳治 書屋

花迎使節明原隰柳拂征袍動綺羅霄漢曾聞頌鳳詔春風

又見賦驪歌鶯啼三月瀛洲早香散千官近侍多自是文儒

識匡濟達時應不負菟科王言 徵 璣 原 澄

忽逢絳節乘春去正是春光動別情解纜共攀南郭柳入朝

猶聽上林鶯功名早許丹心在時事何嗟白髮生愧我獨慙

江上別金焦隨處望行旌施易得 徵 復

柳暗花明春色新畫船玉節好還京承恩已達如綸命報國  
長含補衮情一曲尊前山已暮片帆江上月同行欲知它日

相逢處聯騎天街聽漏聲

鄒夢桂

樓

鄒汝舟印

南國三春霽色新長亭車馬動遐征清歌正尔憐芳宴錦席

那堪盼遠旌肅肅雲遠鴻閃彩依館室柳牽情爰誦應副  
楓宸亡又聽殊恩集鳳城愚甥秦采

右駐節聽歌園吾鄉華滋龍比部物也園為吾族磬室先生  
所畫前有顧洞陽題首倪刺史正伯撰序後有文三橋周公

瑕諸公跋語想見當年一時之雅按無錫志華雲字滋龍少  
從鄉先達邵文莊公游中嘉靖二十年辛丑科進士出王文

成守仁之門會當試館職以親老未殿試二十一年丁父憂  
服闋謁選除戶部主事二十六年擢稅九江關甚著清節改

南京兵部員外進刑部郎中時宰相嚴分宜正用事遂乞假  
歸築真休園以自娛建崇正書院以祀宗賢楊時喻樗尤表

蔣重珍李綱李祥及其師邵文莊為七賢即今縣學宮東偏  
之書院是也又嘗效范文正公故事捐義田千畝以贍族人

唐荆川為之記文待詔書之卒年七十三崇祀鄉賢吾邑之  
望人也道光癸卯秋日偶至邗上萬君喜田持以見示為志



卷末 樛花谿上老人錢泳時年八十有五

錢泳  
所信

吳孫  
王孫

# 王雅宜書西苑諸詩卷

紙本 通寸行書 高六寸三分 長八尺一寸 都六十六行 六  
七字不等

西苑詩 翠鳳翔文囿 黃龍戲禹舟 乘雲暢皇覽 御氣警宸游

上聖豈蓄軫 立功唯委裘 青霞冠玉嶠 碧海溢金溝 東出祈年

館 西望五城樓 虹梁儀漢徙 芝蓋儼星浮 帝女呈機石 天童豎

綵旂 神魚五色現 琪樹萬年稠 竹殿迴鑒駐 樹庭降輦留 園口

園貝宇方折 寫瑤流 望幸傾三島 時巡葦十洲 流觴洛水口 張

樂洞庭秋 不及天池雁 年奉藻旒 海印寺閣晚 茫平

陸野鎮以醫無閭東洽拍樂口西亘接昭餘冀土昔糜沸兵戎

屢紛拏三后寶玉徙千載河山虛天旋晷緯口地拱海嶽舒萬

軌肅王會百雉壯宸居蒼龍翔玉闕玄武伏金渠絳氣薄浮景

青氛銷故墟祥飈協律奏卿雲太史書飛游已寥廓周覽六莪

紆我行睇神寓兼浮陵浮屠且窮上國勝歸荷南山鋤 郊游

與諸公作 洛中曲水燕西京玄灞游由來盛簪黻蘭藻麗皇

州紫掖鳴珂散青郊结伴投三三駢玉勒兩兩方華輶地假河

陽谷池穿太液流金張雲母幃許史鳳皇樓細柳全遮埒新荷

欲礙舟獸近豐貂飲口從卓錫游雲峰猶辨夏鈴語似鳴秋梵



樂紅樓奏天香紺殿浮賓宜馭風至思以采珠求名理山陽勝  
談天稷下通所嗟江海客躑躅且淹留 庚寅七月二日吳郡

王寵書 王履吉印 棲伽居士

王雅宜摹晉唐小楷冊

紙本十五開淵懿樸茂鍾王之遺  
第一開兩頁摹陰符經高六寸闊三寸二分都十八行行廿  
五字首行陰符經末行款

甲申三月摹褚河南書 寵 王寵私印

第二開至六開摹黃庭經十頁高五寸六分闊三寸都六十  
七行行十七八九字不等首行黃庭經末款

雅宜山人王寵臨 王寵私印 履吉之印

第七至第十上半開臨樂毅論七頁高五寸五分闊二寸八分都四十二行二十六七字不等首行樂毅論末款

褚遂良定右軍書以樂毅論為正書第一 王寵摹

印全

第十下半至十二上半開臨麻姑仙壇記三頁絹本末頁題款帝本共四頁高五寸五分闊三寸上缺約一頁自平也起三十四行末款

王寵臨

印全

衡山文先生當世書家宗匠也寵書何能窺郢氏之門而顧蒙嗜痂所不解已昔年承命書此數篇艸堂讀書之暇漫為提管積五歲而始竣不揣呈覽幸先生教之 太原王寵并識

第十二下半至十四上半開臨蘭亭叙共四頁高四寸五分闊二寸七分都廿四行行十四五字末款



寵臨

印全

第十四下半至十五開三頁臨墓田丙舍帖頁高四寸四分闊二寸七分都九行行七字末款二行

王寵摹于楞伽山房

印全

王雅宜先生書法得鍾繇之骨有右軍之神百餘年未楷法之妙無出其右乙未春過吳門欲覓其遺墨數種以資臨池之助世友陳閏如聞之唯云文氏藏有多帙恨無六丁法以得之中秋後復納涼于山塘閏如舞蹈而至若獲異寶袖出此冊乃雅宜先生小楷也余披翫之頃不覺驚喜欲狂復聞有七帙正擬割小莊相易云已為口口口年翁所有矣口翁風雅天成品重當世一見是帙而盡得之信乎筆墨之好有同心也把閱久之不忍釋手強留案頭者七日因叙其事歸之順治乙未仲秋延陵莊同生識

莊同生識

廣

昔唐文皇自蘭亭後殉外右軍以下法書不啻數千即右軍亦一千五百紙古人用心翰墨筆不停手日書萬字後聞米南宮日書二萬字趙榮祿日書萬字至先高祖太史公日臨

古緣萃錄

馬四

三

澄蘭室

千文一卷燈下作蠅頭小楷夜分不休乃雅宜先生書法尤為海內珍重此八帙摹寫精工波畫不減銀鐵誠得意之筆也孝緒龔先生博雅好古所藏墨跡甚富而數冊愈加鍾愛真賞鑒家宗匠莊先生之跋語不謬矣乙未仲秋偶題于晴雪齋時年八十東吳文寵光

雅宜山人楷法取法鍾王無筆不古

仲氏

寵光

文待詔馳聲菴苑卓

然名家此冊前數種為衡山先生書尤極經意之作觀莊文兩跋或曰七帙或曰八帙知為兩冊合裝而成惜略有缺頁不能確指為衡山先生書者為幾帙也

### 王雅宜小楷孫武子十三篇冊

絹本廿四開四十八頁：高五寸七分闊二寸七分六行行廿二三四字不等首頁孫子十三篇下有轄：齋印以次始計第一十五行一字作戰第二十五行三字謀攻第三十八行十六字軍形第四十三行八字兵勢第五十四行十三字虛實第六廿六行五字軍爭第七二十行十八字九變第八九行十五字行軍第九廿六行十六字地形第十廿四行十



八字九地第十一四十六行一字火攻第十二十二行十二  
字用間第十三二十行七行末款

嘉靖丙戌夏五月七日雅宜山人王寵書

王寵  
私印  
履吉  
之印

此冊家弟子書坊舊書中偶得之携歸示余筆意古茂精妙  
絕倫真蹟無疑亟購得珍藏物之遇不遇亦有時耶

王雅宜小楷松林夜文冊

紙本十九開三十八頁頁高五寸五分闊二寸九分六行  
十六字第一篇養生論七十七行二篇難自然好學論四十  
六字十一字三篇與山巨源絕交書九十三行六字末款

晉室中如對夜之文余獨慕其旨與巨源絕交一書自敘其生  
平之志風度品藻大雅絕倫者也客持素紙屬書其文予亦欣  
然作楷漫錄三首時在石湖精舍壬辰夏四月雅宜山人王寵

王寵 履吉  
私印 之印

小楷自黃庭出千古之學書者遂無不奉之為祖其用筆在  
精微一綫中非他行草可比是書蓋深得黃庭之神髓者但  
收筆處有意藏而不露略嫌遲鈍然因是味逾古矣穆堂其  
好藏之 退庵管鋪 管鋪 秘印

陸包山摹宋院本萬卉爭妍卷 瓶麓齋舊藏

紙本設色工細高九寸四分長四丈七尺一寸零紙十一接  
自春初以至冬季花無不備鉤勒精工設色妍麗中間山石  
各種無一重複靈幻異常又有各色蝴蝶五采紛披並極神  
妙題首萬卉爭妍四大篆字款三橋文彭兩京國子博士印  
卷首有安儀周珎藏印卷後絹上有英和敬藏手澤語鈴道  
人二印未款

摹宋畫苑本 包山陸治 陸氏 學

光緒元年乙亥十一月既望將赴粵藩任臨行賸得此卷携  
以自隨二年丙子新正十二日舟抵揚州守風停泊展閱識



之 振甫麟

陸包山梅花水仙軸

紙本水墨高二尺二寸四分闊一尺巨石一拳梅花一枝水仙兩莖用墨淡雅有神有御題七絕一首石渠寶笈五璽款在左上

城南地暖花開早見說君家滿樹春昨夜雪寒詩思好一枝還

贈苦吟人

嘉靖二年冬日倣古

包山陸治

陸氏耕平

字包

陳白陽墨花卉草書合裝卷

瓶麓齋舊藏

紙本高八寸九分長一丈三尺盈紙四接分十二段一段牡丹二段柿果三秋海棠野菊四玉簪五桑葉數蠶六稻蠟七海棠八蓮房荷葉蟬抱枝梢九萱花十菊花十一山茶十二梅花墨采滋潤靈動欲生前後俱有富春董氏收藏書畫記

卷首款二字未又題七字

衛復

白易 陳氏  
山人 道復

嘉靖甲辰春衛復

印全

草書接裝紙本高八寸五分長一丈四尺四寸盈紙三接寫  
七言絕句六首大行草入後益恣肆末題

右書趙子昂苔雲閑情卷識者以為何如

衛復

陳  
高

徐青藤墨花卉卷

紙本高八寸七分長一丈四尺七寸盈帑四接分十二段筆  
墨清潤書六老橫印章尤備當是得意之作前後有孫運純  
中二印  
第一段牡丹竹子

墨點鳩姿小絳勻箋中六足賞青春長安醉客韡為崇去踏沉



香亭上塵

天池  
漱僊

青藤  
道士

第二段木筆

天作箋子雲為墨木筆書空弓儼義獻之勾勒

文長

華晴  
子雲居

第三段杏花

道人懶為著花物偶施小茜作嬉游人言杏花可摘賣挂向街

頭試買不

佛  
壽

大圭  
著

第四段薔薇

灑墨為花醉小樓甜香已覺入清喉何因摘向金陵去短檝長

丁泛茗甌

文長  
氏

天池  
漱僊

第五段水仙竹子

一江湘水碧漪漪，波上夫人淡掃眉。正遇琴高歸月下，讓將赤

鯉水仙騎

著

袖裏青蛇

第六段石榴

若用臘支染一堆，蛟潭錦蚌挂人眉。山深秋老無人摘，自迸明

珠打雀兒

長文

華暗子雲居

第七段萱花

庭前自種忘憂草，真覺憂來笑輒緣。今日貌儂歡喜相，煩儂陪

我一嫣然

文長印



第八段海棠

海棠弄春垂紫綠一枝立鳥壓花低去年二月如曾見却是誰

家湖石西

徐長

第九段芙蓉

芙蓉映秋水不及美人妝若論湘妃色湘妃定雁行

佛壽

第十段菊花

人如餉酒用花酬長埽菊花付酒樓昨日重陽風雨惡酒中又

過一年秋

鳳飛  
道人  
青藤  
道士

第十一段竹

雪鋒霜陣誰能殿故寫此君花後叢昨植青蛇三百萬膝癰蛇

腦放蜈蚣

徐渭印

青山  
捫螭

第十二段玉簪

老夫墨埽草間秋六瓣尖々雲色流用盡邢州沙萬斛未便琢

出玉搔頭

長文

徐渭  
之印

徐青藤釋葦如詩画卷

瓶簾參舊藏

紙本凡三紙

第一帝高四寸九分長一尺四寸二分畫一鉢題云

楚石上人鉢贊

好箇和尚沿門托鉢具頭陀行發廣長舌生

歡喜心來極樂國現莊嚴相說菩提偈行住坐卧心々指月無



星無礙不知不識嗚呼上人於焉楚石 己未之春游慈感寺

晤內惺上人出示智舷詩書卷請予圖之因為寫此并贊即政

青藤道士徐渭

徐氏文長

青藤道人

第二紙高四寸九分長一尺四寸一分松樹數株下縛艸為  
龕一老僧坐禪於中款五下

福庵上人栽松圖

徐渭寫

文長印

第三紙高四寸六分長五尺五寸六分紙一接詩贊五首

遠公蘭若肯相容坐對茗溪、上峯安邑何由知仲村相如未

敢藉臨邛雲門客到期看雪天目僧過問種松祇恐重來無處

覓干旄驚散鹿麋蹤 歸吳二令君訪余慈感寺作錄似內惺

上人求證

王穉登

青羊君

王穉登印

楚石和尚鉢贊 有大和尚名曰楚石盡十方空無量億國若  
佛若祖及若魔賊收拾鉢中一口吞訖巍々堂々人天推出指  
鹿為馬說南為北瞬目揚眉不可測識語乎默耶療衆生疾除  
此之外實無紀述二百年来宛若一日嗟哉此鉢似漆非漆匪  
鐵匪瓦名狀不得有一其柄即乖其式茲乃四馬一何奇特會  
得此意不妨出格出格丈夫許為正嫡奉持茲器庶無愧色  
福庵老人栽松園 福庵老人愛雲壑鋤雲栽松作蘭若松栽  
十萬不厭多禪龕如斗依松縛壽眉脩長雪白垂青面嚴冷霜



月落自言住山三十年棕鞋挂壁不曾著  
鑊頭當枕勅即眠松  
花可飡泉可酌興來引錫趁麋鹿只在松林不可索  
阿誰掃著  
剡溪藤高懸每誤營巢鶴

題項墨林先生小像唐岐山園面全身則先生自繪也  
倩人  
面面自圖身面或從人作喜嗔惟有此身偏  
倔強屈信未肯暫  
隨人

郭西禪寮竹下  
調得奔猿似木雞漫空顛絮落為泥有人索  
問庵中老垢在衰顏雪在眉  
拙作四首書似內惺上人印證

丁巳九月智脰

釋智  
能印

葦  
如

徐青藤荷花鷺鷥軸

紙本水墨高三尺四寸六分闊一尺四寸六分殘荷一葉花  
落蓮房白鷺三皆立水際蘆荻已花二雀栖息其上已是涼  
秋天氣筆致清勁寫生靈活款在右上

青藤道士

徐渭



澄蘭室古緣萃錄卷五

古虞 邵 松年 輯



明

張夢晉赤壁前游圖卷

瓶簾齋舊藏

絹本設色高七寸六分長三尺一寸二分山巖起伏林木蕭疏峭壁臨江明月在水一扁舟蘇子偕二客泛于蘆荻之間後繫小舫一童烹茶夜色空濛遠山如黛題首杰壁前游四隸字印畢懋康印戊戌進士卷尾無款有張靈印夢晉二印另紙文三槁書赤壁賦後款三槁文彭文壽承氏文彭二印

張夢晉赤壁後游圖卷

瓶簾齋舊藏

絹本設色高七寸六分長三尺一寸波平水面雲互山腰夜色蒼茫嵐光清潤蘇子偕二客步于長松之下童提壺後

古緣萃錄

易五

一

澄蘭室

隨舟繫蘆邊亭開坡上是返而登舟之候題首赤壁後游四  
隸字印畢懋康印戊戌進士二印卷尾款

辛卯夏四月畫

張靈

張靈印 夢

另紙文三稿書後赤壁賦後款嘉靖癸卯夏日文彭有文壽  
承氏文彭二印

祝枝山真艸千文卷

絹本高七寸八分長八尺九寸三分界朱絲一百三十行真  
草相間行十五六七字不等絹一接中脫誠美至無竟十四  
字一行艸書卷前有墨林項氏收藏圖書馬任遠毅仲父祕  
寶酒癡五印角下一印牘一堂字接縫處有如心堂印卷末  
有天水郡記寶硯山房天游生如心堂印墨寶玩及与首  
重三印題在卷尾絹上款在朱絲界內末一行

枝山祝允明摹寫

枝山  
舊

南沙有古癖家多蓄名畫及古法帖不下數千本丙寅秋中余



有事過之出智永千文相示墨光瑩膩字畫遒勁真宋拓之上  
乘也展玩再三不能釋去南沙乃附小青衣作嘖、語遂出朱  
絲素縑欲臨摹其上余聞智永為王逸少七代孫妙傳家法為  
隋唐間學書者宗匠住吳興永欣寺積年臨筆所退筆頭置之  
大竹簾受一石餘而五簾皆滿後取筆頭瘞之號退筆塚夫其  
天資學力豈其易臻斯境而余遂以寸晷之長欲效邯鄲之步  
無論藍之非青而并其故武且失去座有舉手擲掄者是知我  
者也書已識其後以自勵

校  
祝希  
山

此祝希哲為南沙公所書也展卷之際若登名軍之堂入智  
公之室希公真神人哉盟薇露赫玉韃不覺龍蛇在手永宜

寶之 長洲吳寬

博

余嘗謂書法不同有如人面希哲獨不然晉唐則晉唐矣宋元則宋元矣彼其資力俱深故能得心應手此与摹臨智永禪師法帖而雄姿勁氣更軼而上之吾不知其為逸少為智公為希哲也南沙護藏如珠胎龜采誠得其寶者出以相賞卿識其實非跋語也 雁門文徵明

文徵明印

仲微

希哲此卷作于正德丙寅時年四十有七範庵先生先二年弘治甲子七月十日卒于官是弓不應有跋然細審祝書及吳文二跋皆非偽作或丙寅是丙辰之誤古人書于亥時或有之若丙辰則祝年三十有七其書之婉潤亦近似吳卒之歲月不當有悞也

# 祝枝山小楷書詩文卷

紙本高七寸四分長七尺四寸六分一接楷法古雅詩文並妙卷首有吳郡陳氏同壽堂珍藏家在淩溪梅柳原強恕無萬金四印接縫有程元之印末有永馨閣印等四印印首枝山詩文六首連款九十二行跋在餘紙



遠游二首 江之陽子有嶼江之陰子有渚朝而風兮夕而雨

望夫君子渺何許春波子悠々日暮兮夷猶擘吾桂子為檝蹇  
吾蘭子為舟悅含思兮凝睇乘清風子遠游 遠游子上下載  
行子載舍匪吾寶子永懷繫吾遲兮善價遵中流兮待君將寄  
心於行雲行雲遠而不返寫吾懷子陽春

少年行 眈々惡少三輔兒自憐遇合為俠飛武皇久事任已  
賴翁忽轉日天為移婪酣一生花酒夢不識君恩若為重時平  
弓矢在虎革鞬服滿身无所用豔膚雙擁春風前箏人曉日鳴  
朱弦鳥解清謳花解舞淫思雜亂含春妍惱公小妓酌金斗為

君起舞願君壽祇恐芳姿不耐寒以色承君詎幾久

江南曲

汀州三月春日斷蘋花津幽閑越溪女佳麗江南人

解佩贈行客握琴酬使君筐篚未云薦何須用采蘋

擬古 秋陽忽已晚客心淒以哀伊人眇何許似隔天一涯悠

々巫山渚望々陽雲臺朝雲一分散月華幾裴回空持綢繆意

誰識淹留懷庭草夕自綠朱簾長不開瑤席虛珊枕金爐斷餘

灰弦傷紫瓊琴何以宣沉哀白雪不可和紅顏為君摧非哉淫

其色所惜年光頽輾轉不得寐煩冤悵難裁

鄧攸論

昔者君子病夫名之不稱而尤病夫欲名之必稱以



不稱為病則其為善也必誠。則全凡其外之所就莫非中之  
所安不虧此以完彼拂吾所安而徇其名也乃若求名之念一  
主于中則雖有出倫之善亦偽而已偽則忍。則賊凡其所為  
唯名之趨雖矯揉撓助期必得焉雖有虧損吾之真純者有不  
暇顧噫君子甯沒。於外不割。於內甯使人之不我知無甯  
使我天君之自欺也鄧攸棄子全姪人稱其悌余獨病其趨之  
過而至于忍也彼其所持特欲全親之嗣耳兄子同氣吾之子  
抑同氣非耶吾俱挈而遇難安知吾子之獨免於兄子邪獨取  
兄子而遇難又安知其必免耶不幸不免是吾與賊均殺二子

以絕吾親也是吾有兄而無兄吾父母有子而無子也誠為孝  
弟而如是乎形之分而為指者十齧之則痛均人非病風喪心  
未有惜拇之殘而忍于无名之割者也兄譬則拇也己譬則無  
名之指也謂割己以全兄理乎而況未必全乎此余反復其事  
而得其偽兄子之存蓋亦幸耳而豈其功歟抑其棄子之後妻  
遂不育內妾得甥因終不娶觀此又其忍心害理而巧於取名  
尤大彰明較著者也於乎求名而得名攸之自為計則得矣而  
亦何以解其親之割其指之痛乎況其所為名者以吾人中庸  
之道律之見其倒行逆施厚薄而薄厚難乎免於不孝之誅而



又何所可稱也哉或謂先王之道既降世之視同氣如塗人如仇讐者比：若彼猶為彼善于此是又不然人之於善不患其不肯為特患其有為而為不肯為者一旦而悟則其為也必誠而全矣必有為焉而為則將無所不至而其弊可勝言也哉余非好辯懼後人之惑而重蹈其非故不得已而為此言若其它行之善則君子取之不以此掩彼也

夜坐記 寒夜寢甚甘夜分而寤神度爽然弗能復寐迺披衣起坐一鐙熒然相對案上書數帙漫取一編讀之讀稍勸置書束手危坐時久雨新霽月色澹：映窗戶四聽聞然益覺清耿

久之漸有所聞聞風聲撼竹木號鳴使人起特立不回之志  
聞犬聲狺而苦使人起閉邪禦寇之志聞小大鼓鼗小者聲  
薄而遠濶不絕起幽憂不平之思官鼓甚近由三撾以至四  
至五漸急以趨曉俄東北聲鍾雨霽音極清越与鼓間發  
聞之又有待旦興作之思不能已焉余性喜夜坐每攤書鐙下  
反復之迨二更乃已以為常然人喧未息而又心在文字間未  
嘗得外靜而內定如今夕者凡諸聲色盖以靜定得之故足以  
澄人之神情而發其志意如此且它時非無是聲色也非不接  
于人耳目中也然形為物役而心輒隨之聰隱于鏗自明隱于



文華是故物之益于人者寡而損者多有若今之聲色不異于彼而一觸耳目犁然与我妙合則其為鏗勺文華者未始不為吾進修之資而物果不足役人也已然聲絕色泯而吾之志冲然特存則所謂志者内乎外乎其有於物乎將因物以發乎是必有辨矣於乎吾於是而辨焉夜坐之力宏矣哉嗣當齋心孤坐于更長燭明之下因以求事物之理心體之妙以為修己應物之地將必有所得也作夜坐記

弘治辛酉八月既望有事于嘉禾舟中岑寂偶篋中有素紙遂湯興書此小舟搖蕩無足取也枝山祝允明記

祝希哲

枝山祝氏

祝枝山小楷林酒僊詩卷

祝京兆書無所不詣獨于鍾王尤為苦心世但稱其草法之  
工不知正書最為絕代此卷自錄其所著詩文筆法出元常  
薦季直表波畫轉掣無纖微失度信臨池之射鵰手也近世  
學鍾王者不為墨豬便作插花美女耳如此卷者豈諸人之  
所夢見哉  
隆池山樵彭年跋  
乙亥夏仲墨卿伊秉綬觀于小玲瓏山館  
子墨客卿  
點庵  
枝指生詩文字無不絕妙此卷隨意揮灑雖曰鍾王亦不拘  
于鍾王詩文或仿騷或擬古無不神肖故備錄之

紙本原冊改卷高六寸六分長二尺一寸七分紙六接每接  
四行二十一字都廿八行書法全摸鍾王首行林酒僊詩四  
字押角枝山印詩長短九首末原跋云

右吳中東禪林酒僊語歷陽張即之為寺僧惟一書歷陽上官  
必昌命工刻石淳祐八年歲在戊申六月一日



大明成化丙午仲夏太原祝允明書

明允

祝京兆書法在有明与文董齊名而流傳不多世爭作贋本以射利涂雅乏蚘軼于準繩規矩之外盖因其生平為人放達不羈遂疑落筆自非法則所可拘束殊失其真也此卷藏於侍御李繩其先生家著筆用意鍊歸口法絕似鍾太傅非晉以後所能及是真迹之最佳者先生鑒賞家此卷可謂得所歸矣康熙己丑冬十二月朔日桐城方登嶧跋

韞齋

希哲書於古無所不學為前朝第一人外間流傳多作狂草小楷在吾鄉上最難得往時見其真蹟二本作二王褚虞家筆法種：各異今于甯海座師處獲觀此卷鮮穠古樸全作鍾法與嚮時所見又進一格真可謂前無古人苑苑危言僅稱其上配吳興非萬論也我師命題數語未識有當書評萬一否 康熙庚寅徐葆光

蘇亮

祝枝山書宜軒記等文卷

紙本凡三段

第一段書宜軒記仿蘇行楷高八寸長二尺七寸三分有乾

古緣萃錄

弓五

七

澄蘭室

隆御覽之寶二璽

宜軒記 美以惡相形而生有不宜而後有宜宜者利順之謂人所願也然得之自知焉者寡矣自知則有警有警則知保警而保則歸於善故自知者君子之所予也湯君文奐以宜軒為號請予記徵其旨文奐以為受天地之生成祖宗之垂慶君親之教養妻子之合順接人而應物遂意而安躬自以為無不宜者也故知焉而以稱庶幾有取於君子於乎其自知果可予矣夫世慕滿盈得之而罔覺陵高躡廣更以頓躓者比之也孰能自知也文奐此其可予也然所貴于知者甯獨一稱謂而已乎



以道却事以德承福當是順境必有修察守護之方所謂警與  
保者存之矣蓋如是而後其宜始完是故吾敢以忠告要文與  
故君子也詩云罄無不宜受天百祿吾先以為文與慶董子曰  
仁人者正其誼不謀其利吾繼以為文與規 弘治十二年歲  
次己未冬十月之吉鄉貢士長洲祝允明書 無印

第二段書仿騷五首楷書摹鍾王高八寸一分長三尺八寸  
五分遠游二首与前文少異仍錄之

遠游 江之陽子有興江之陰子有渚朝吾風子夕雨眇詹君  
兮何許春波子悠々日莫兮夷猶擘吾桂子為檝寒吾蘭以為  
舟舟無同兮誰歌將王子子焉留恍含思子凝睇乘清風兮遠

游 遠游子上下載行子載舍懷有寶子遲君將以遺於御者  
滄迴波子無聞寫誓信於行雲行雲遠而不返飄水亂子水翻  
之將狂夫之襲余迴吾輶子江濱

訪隱 君不來子何居塞幽求子山岵空林子出復入慨即鹿  
子无虞白雲子朝飛紛紛木葉子皆下望夕以歸子旦復吾駕  
君何居子我行于野

江洲書屋辭 村長江子安流高吾樓子南州楊蘭堂子葯房  
締游軒子桂樓石梁子衡渠竹牖子交疏涵清暉子夕朝汎靈  
萃子園書芳何為子杜蘅躍何為子文魚淵兮今春瀾濺兮



秋瀨寫聖襟於逝者寒茲辰子余慨蛟龍起子水增波挾浩漭  
子俾洶沱濡焦槁兮蘇八遐君不行子如台何

歸龍辭 潘紫淵子旋鯢惜洞房子漂亡泥余蛻子願而下

倏或躍子以歸乘蒼雲子驟綠霧泳天池子擁曦輅扣天門兮  
矯首逝擘螭胎子扶珍以嬉翔九縣子多靈娛穴泓子閔沈  
虛霽為膏子露為醴邦之富子稷藟子蝮肥子蛟腥招鶴侶子  
嘯螭朋媪縞袂子倚青燼燔金符子望不可見扇神飈兮忽來  
滌氛妖子景光開紫葢子黃蘿棲繚窈子鼃集以歌睇故宮子  
幽々君昔樂子今我何憂巫屢舞子鳴騶君跼米子無夷猶

乙酉正月將盡客將此白素乞為鍾王小楷六十六歲之手試  
狗客意云尔時久而初晴氣舒腕和方覺適意書過半忽復淒  
晦豈龍歸之應歟而予書亦畢矣奈何 枝山道人祝允明

祝璣

第三段草稿識東軒十事卷後前行楷入後多艸書有涂改  
字高九寸七分長一尺三寸無款有允明枝指道人二印文  
不具錄

### 祝枝山大楷書陳情表卷

紙本高九寸五分長一丈一尺七寸三分仿顏魯公書告身  
字體紙三接六十六行：七八字不等題首祝京兆真書陳  
情表四行八字印首柿葉山房款丹徒王文治書首有王文  
治印曾經滄海二印卷首有鮑孝子次孫淮陰鮑氏收藏小  
山珍賞三印末款



太原祝允明書

祝允明 吳下 何明

祝京兆楷書最佳然極難得至大楷則尤難此書規仿魯公而平日所習鍾法時時流露其古楷之致令人深玩始得之  
余又見祝書大楷千文全似魯公不觀題識殆弗知為祝書賢者不可測往如此丹徒王文治觀并記乾隆丙午

曾任 滄海

祝枝山草書赤壁賦卷

紙本高九寸長八尺七寸五分紙一接都六十八行八十字首行赤壁賦末款

甲申秋夜宴於陳氏山亭燈下書此 枝山道人允明

吳郡 祝生

祝枝山草書桃花賦卷

紙本高七寸九分長一丈一尺盈帑二接桃花賦并序六十一行又梅花請名說連款五十二行十一二字不等印首枝

山印題首祝京兆書四隸字款吏部郎王穀祥書于堅白齋印王氏穀祥王祿之印

春日同子畏過竹堂寺酒酣書此首僧浼子畏繪圖於前第媿字之不工難与二花之為匹也勉而書之 枝山道人祝允明

希  
祝允  
明印

# 祝枝山小楷道德經冊

紙本連題首廿一開又半計四十三頁，高三寸四分，闊二寸四分，烏絲直界九行，十五六字不等，字小如豆，精工絕倫，而一氣揮灑，不為束縛，題首道德經三篆字，印許氏元復首，頁下角枝指生印，末款首行三字。

道德經 小楷非余所長，而寅伯強余為之，觀者勿謂其穉氣。

未除也 枝山居士祝允明書

枝  
山  
祝希  
哲



祝京兆早年書學趙魏公後乃無所不學亦無所不精此帖雖若率意而翩：風度具有柳誠懸骨力雅宜先生嘗謂祝京兆書落筆輒好觀此益信其不誣也 三稿文彭 文肅

乙酉春三月既望王穀祥觀 之祥 郎中 丙戌臘月朔日包山陸治隆池彭年武陵山人顧孟和同觀于玉峯舟中 彭

庚寅仲夏客携此帖於傳雲館展玩竟日乃知枝山先生真書家散花手也 後學文嘉謹題 嘉

昔唐舟先生論枝指生書學骨韵未清蓋因其艸法任意揮洒不守繩墨然跋京兆小行楷云涵泓渾渾無所不有自趙吳興以來二百餘年至此乃始一變雖文待詔之秀勁猶循吳典故轍未如京兆獨挺流俗較然自名一家也傾倒又抑何深耶此冊雖未能脫魏公蹊迳而鋒簇韵流指揮如意且前後完善題跋皆精在京兆書中自係極精之品深可強玩記此冊在廠市多時罕有識者余購之自謂有灼見也後讀繆太史寓意錄載此冊云為毘陵莊氏所藏跋皆同

祝枝山與箬谿先生詩札冊

紙本上册詩四開朱絲界每頁四行都二十八行末頁空高  
六寸六分濶二寸六分札三開又半烏絲界每頁四行都廿  
五行末頁一行只二字高六寸六分濶二寸八分皆楷書筆  
法鬆秀運腕虛和前有蒼舛山樵姚氏弘道二印詩後有吳  
興下箸里人印札後有蒼舛山樵吳興下箸里人二印

允明伏蒙寵賜高篇珍頓箱篋三復之餘輒亦勉強和詩三章  
謹繕寫奉呈伏乞垂教改正獲遂終賜不勝幸願

替兵至饒平午飯道旁及登箭灌山韵一首 饒平午飯道途

邊箭灌朝登破賊年扶纊纔同甘苦地覆盆便啓太和天平生  
食前十八種報國袖頭三尺泉安得如公編南北猶聞塞士枕  
戈眠 班師用張少參韵一首 去日簞壺接道行來時猶是



舊人迎一籌揮筆七擒速萬甲載胸單騎輕彫弊不徒因小醜

功名非喜用佳兵知公別有匡時策會使炎荒詠大平

康誤作匡

梧州謁都憲韓公祠堂一首 拔地洪材搆帝家倚天雄度渺

蟲沙誠歸魏闕心縣石血飲匈奴膽破瓜半夜崑崙樞密宴三

言意波伏波車當時利口今何在老樹闕祠日又斜 里晚生

祝允明頓首百拜 若谿老大人先生階下

哲

不肖遠遜教范逾久滿意此日深密侍奉覬塞虛往實跡之願

淹延三日亦不為速而終不遂愚下之望事多不偶固然而不

肖何數竒也感戀之惻則鑄諸肝脾間矣腆儀垂賁益添慚愧

及使人周旋之助尤極受惠詰朝張帆更不待一奉辭戰汗戰  
汗不揣再啓江右管內所有書籍碑刻此後倘獲垂賜深所望  
於左右也畢所有益多益善石刻尤切幸不謹其黷與貪也三  
司諸公甚辱殷勤不肖殊多疏簡有似惰慢此實迫於事勢蹤  
迹牽掣尔奈何奈何會次載幸鼎言為陳跼蹐之忱至禱至禱  
昏暮船窓局窄申牘不謹統求仁察恕逭萬、 祝允明拜

箬谿老先生台階下

謹空

晬

下冊序五開十頁、高六寸六分闊二寸九分每四行、十  
七八字楷法流動筆意圓勁前有蒼森山樵雄城姚氏家藏  
珍賞情深懷古三印末有吳興下箬里人印另跋兩開



越臺諸游序

顧公丙子秋來僉廣東提刑按察事至旬日即

往潮州督捕漳州賊帳籌戎衣月七朏朧而賊平歸于臺一日

即往視諸遠賊見其情受略于裨校昧于臺一日允明用部吏

覘見公問管內事若某、允明對爾、問文章事某、允明對

爾、遂問全廣風俗物產等因言地多靈山傑水足以誇足目

於四方者允明對若大庾之鉅浴日海珠輩之細羅浮白雲浮

邱之居仙曹溪峽寺之居佛韶石韓山之居聖賢厓門之繫乎

興滅類未足盡數公謂姑徵最近且古者允明以越井當之公

曰明日與子陟之明日公果召允明從以往至臺下即有屋首

之所謂悟性寺門也步以上臺之為樓殿者三餘為漫寮樓不  
甚軒敞拊前檻雖可矚遠上偃簷下蔽於林不能大廣豁寺外  
亦無餘曠壤無大奇處實不滿其名蓋佗尉之棲屢稱於名輩  
者亦唯其遠焉耳時主僧庸狡畏供游人為忙頻誇望海樓之  
勝以裨闔之公与允明亦欲徧及可覽處因遂舍之去陟望海  
望海盤卧厚堞飛欄五成四墉鑿牖憑其前而睇之東南之海  
西北之江廣狹帶東省郭遠近山纍々然城表萬室擁樓下乃  
足為大觀稍盤旋下從人道而東至迎真觀小憩其外一邱亭  
間解衣微觴繼話古今大細深淺事物意悠然遠日景漸下遂



不入觀去將歸道者言路便崇報僧院乃少過之得一新略坐  
啜茗允明掣坡公寫丹元復所傳李謫仙後二詩卷在懷曰展  
閱之須臾乃返明日往謝公曰謂公今之人於游亦多以聲吾  
嘗蹴某仙巖佛石踐某聖轍賢武營以趨眩以尋而逐以  
以詡之何游乎夫唯勤之可朝佚之可野張之可武弛之可文  
動之可辯寂之可默徐之可置疾之可即於是徧四封局一壑  
莫非勝眺是故宗公之語觀固以道云以公之負者豐濬者淵  
允明幸今之游以有其大者 正德十二年六月廿七日吳郡

祝允明序

吳下  
阿明

希  
哲

祝京兆行草獨步一時人多以厚直購之其小楷尤不易得  
此卷文詩手簡共三通皆與中丞箬谿公者時公方以憲節  
蒞廣南君宰興甯寔隸節下故翰劄精謹尤非他比然非公  
略去勢分與相周旋亦安能自與斯哉文章厚德蓋一卷而  
兩具焉

韓敬

韓敬之印

韓敬

# 王酉室水仙軸

紙本水墨高二尺九寸三分濶一尺四寸二分石影玲瓏草  
苗蔥翠水仙一叢凌寒競放花葉皆用雙鉤墨暈筆致挺秀  
風韻絕人左角下有酉室印右角傳雅堂珍藏印款在右上

仙卉發瓊英娟々不染塵月明江上望疑是弄珠人 穀祥

王祿家宰之印

解縉紳艸書千字文卷 瓶麓齋舊藏



紙本高六寸八分長一丈二寸紙二接都一百八行首行千字文末行款三字草法連絲筆意圓熟字大小相間仿智果論書帖不拘于智永成規蓋自鮮于太常作狂草明人多效其體至技指生極盡其致而不免為論書者所譏寔則顛張狂素雖曰不守二王成法而筆情縱恣自成一家何嘗非豪傑之士此卷其流亞也卷首有南海葉氏雲谷家藏印帝稍剝損約缺數字

紹紳書

解玉堂  
廌學士

按前明名臣解紹字大紳此字紹紳名廌為玉堂學士待攷

文休承寫皇甫曾詩意軸

紙本淡設色高三尺七寸五分闊九寸三分中峯陡絕澗水潏迴松竹滿山高低互映山脚平坡上結茅數間一叟扶杖散步一童擁簪埽雪渲托清潤展對猶覺寒氣襲人款在左上

埽雪開松徑疏泉過竹林

文嘉

文水道人

文德承仿雲林山水軸

紙本水墨高四尺一寸闊一寸二分層岩重疊坡石參差瀑布千尋紆迴百折臨溪老樹茆亭修篁一簇筆墨秀潤雖曰仿倪而皴染細緻猶是傳雲家法也題款在左上小楷

金風轉標桂狼籍玉龍噴雪青天濕西飛裊驤馭驅突綵繩百尺難尼輓人生有志貴自適王喬一去留雙鳥晴昊晶瑩草同色榮華瞥眼今非昔露濃成霜那復液甯如匪轉山中石敲石取火煮琥珀鍊骨輕舉乘鸞翮東皇西母坐接席黃塵胡為蔽白日鵬運扶搖哂鷄鵠靜極依然眼光扶桑萬里經駒隙看



量海水供虛擲

既為含章羅子戲仿倪雲林墨法作小景復

效李長吉題此長句所謂一蟬不如一蟬者也用博病中一笑

云尔己酉冬雁門文伯仁

德伯承仁

文德承溪山行旅圖軸

紙本設色高四尺八分闊九寸一分峯巒疊起林木蕭騷峻坂危崖路迳曲折或策蹇或肩挑絡繹不絕山下茅店數家行人饁歌其中山色溪聲風景可想款在右上

壬子冬日寫溪山行旅圖

五峯文伯仁

徵筆

吳文中十二尊者相卷

紙本設色高一尺一寸長一丈八尺四寸盈兌相莊嚴衣摺古雅樹石雲烟俱極清潤龍虎蟒蛇獅猿之屬神女蠻奴胡

古緣萃錄

弓五

共

澄蘭室

人之流摹寫各盡其致源委俱見李跋附錄脩攷卷首有廉  
吏之子愛吾廬慶字等三印卷尾有李佐賢收藏書畫之印  
跋前有小天籟閣新安項芷房收藏書畫私印款在前篆書  
年月尾有枝惠菴頭陀文中氏二印

萬曆辛亥歲春日寫

枝隱庵頭陀吳彬

吳氏  
文中

吳彬  
之印

宋蘇文忠公十八大羅漢頌 蜀金水張氏畫十八大阿羅  
漢軾謫居僑耳得之民間海南荒陋不類人世此畫何自至  
哉久逃空谷如見師友乃命過躬易其裝標燈香果蔬以礼  
之張氏以畫羅漢有名唐末蓋世擅其藝今成都僧敏行其  
元孫也梵相奇古學術淵博蜀人皆曰此羅漢化生其家也  
軾外祖父程公少時游京師還遇亂絕糧不能歸困卧旅舍  
有僧十六人往見之曰我公之邑人也各以錢二百貸之公  
以是得踈竟不知僧所在公曰此阿羅漢也歲設大供四公  
年九十凡設二百餘供今軾雖不親觀其人而困厄九死之  
餘烏言卉服之間乃獲此奇勝豈非希闊之遇也哉乃各即  
其體像而窮其思致以為之頌  
第一尊者結跏正坐蠻奴側立有鬼使者稽顙于前侍者取



其書誦之頌曰 月明星稀孰在孰亡煌煌東方惟有啟明  
咨尔上座及阿闍黎代佛出世惟大弟子

第二尊者合掌趺坐蠻奴捧檣於前老人叢之中有琉璃貯  
舍利十數頌曰 佛無滅生通塞在人牆壁瓦礫誰非法身

尊者斂手不起于座示有敬耳起心則耶

第三尊者扶烏木養和正坐下有白沐猴獻果侍者執盤受  
之頌曰 我非標人、莫我識是雪衣者豈具眼隻方食知  
戲何媿於猿為語柳子勿憎王孫

第四尊者側坐屈三指荅胡人問下有蠻奴捧函童子戲捕  
龜者頌曰 彼問云何計數以對為三為七莫有知者雷動

風行屈信指間汝觀明月在我指端  
第五尊者臨淵濤抱膝而坐神女出水中蠻奴受其書頌曰

形與道一道無不在天宮鬼府奚往而礙婉彼奇女躍于  
濤龍神馬尻輿攝衣送之

第六尊者右手支頤左手撫髀獅子顧視侍者摘瓜而剖之  
頌曰 手撫雖視目視瓜獻甘芳之意若達於面六塵並入

心六偏知即此知者為大摩尼

第七尊者臨水側坐有龍出焉吐珠其手中胡人持短錫杖

蠻奴捧鉢而立頌曰 我以道眼為傳法宗爾以願力為護  
法龍道成願滿見佛不作盡取玉函以畀思邈

第八尊者並膝而坐加肘其上侍者汲水過前有神人涌出  
于地捧鉢獻寶頌曰 尔以捨來我以慈受各護其心寶則

誰有視我如尔取與則同我爾福德如四方空

第九尊者食已扑鉢持數珠誦咒而坐下有童子篝火具茶

又有理筒注水蓮池中者頌曰 飯食已畢撲鉢而坐童子

茗供吹簫焚火我作佛事測乎妙哉空山無人水流花開

第十尊者執經正坐有仙人侍女焚香于前頌曰 飛仙玉

潔侍女雲眇稽首炷香敢問至道我道大同有覺無修豈不

長生非我所求

第十一尊者趺坐焚香侍者拱手胡人捧函而立頌曰 前

聖後聖相喻以言口如布穀而意莫傳鼻觀寂如諸根自倒

孰知此香一炷千偈

第十二尊者正坐入定枯木中其神騰出於上有大蟒出其

下頌曰 默坐者形空飛者神二俱非是孰為此身佛子何

為懷毒不已願解此相問誰傳尔

第十三尊者倚杖垂足側坐侍者捧函而立有虎過前有童



子怖匿而竊窺之頌曰 是与我同不噬其妃一念之差墮  
此髻髻維師悲憐為尔顰歎以尔猛烈復性不難

第十四尊者持鈴鉢正坐誦呪侍者整衣于右胡人橫錫跪  
坐于左有地一角若仰憩者頌曰 彼髻而虬長跪自言特

角亦未身移怒存以無言因誦無說法風止火滅無相仇者  
第十五尊者鬚眉皆白袖手跌坐胡人拜伏于前蠻奴持柱

杖侍者合掌而立頌曰 聞法最先事佛久耄然眾中是  
大長老薪水井田老矣不能摧伏魔軍不戰而勝

第十六尊者橫如意跌坐下有童子焚香篆侍者注水花盆  
中頌曰 盆花浮紅篆香繚青無問無答如意自橫點瑟既

希昭琴不鼓此間有曲可歌可舞  
第十七尊者臨水側坐仰觀飛鶴其一既下集矣侍者以手

撫之有童子提竹籃取果實投水中頌曰 引之浩茫与鶴  
皆翔藏之幽深与魚皆沉大阿羅漢入佛三昧俯仰之間再

拊海外  
第十八尊者植枝支頤瞪目而坐下有二童子破石榴以獻

頌曰 植杖支頤宗然跏趺尊者所游佛之初耶聞之於佛  
及吾子思名不用象是未發時

佛滅度後闍浮提衆生劉根自用莫肯信入教諸賢聖皆隱  
不見獨以像設遺言提引未悟而我眉五臺天台廬山猶出  
光景變異使人了然見之軼家藏十六尊者像每設茶供則  
化為白乳或凝為雪蒼桃李芍藥僅可指名或曰羅漢慈悲  
深重急於接物故多現神變倘其然乎今於海南得此十八  
羅漢像以授子由使以時修敬過夫婦生日輒設供以祈年  
集福并以前所作頌寄之子由以二月二十日生其婦德陽  
郡夫人史氏以十一月十七日生是歲中元日題

是奉羅漢像止有十二闍者第九第十一十五十六十七十  
八而第十四像為第九第十三像為十一又第二像為蠻奴  
捧瓶胡人跪而啓櫝第三像不扶養和獻果者為元猴第四  
像無童子捕龜者第五像神女立雲中非出水中第六像左  
手側垂伸臂壓於童子之頂而顧視獅子第七像龍驤行雲  
中其餘一符合坡翁所得張氏畫實是其祖本吳畫以道  
光庚子得于京師文忠頌以咸豐乙卯錄于潼關次年冬十  
二月朔書于卷末并記 李恩慶 廬吏子

董香光臨稷帖並修稷四言詩卷



紙本高九寸二分長四尺一寸五分一接字較楔帖頗大  
不循舊帖行數書法疎秀諸意居多都廿九行後有句曲山  
莊簞重光印直指繡衣御史章三印接縫處有江上暨松子  
閣江上外史印卷首有簞重光印簞在辛鬱岡精舍江上外  
史松子閣等印末款

戊午三月晦日舟次南湖書

其昌

知制誥  
日講官

董其昌印

脩楔詩高同長一丈七寸二分帝三接凡十四人詩十四首  
字少大筆：用意沉着不挑為文敏極任意之作有江上簞  
氏圖書印末有江上外史印前題

脩楔四言詩并序 四言詩王羲之為序：行於代故不錄：

其詩多不可全載今各裁其佳句而題之六古人斷章之義也

四言如左

王羲之八句謝安八句謝萬八句孫綽八句徐豐之  
四句孫統八句王彬之四句袁羈之八句王凝之四

古緣萃錄

弓五

九

澄蘭室

白王肅之四句王徽之八句王  
豐之四句華茂四句庾友四句

柳公權書山陰修楔詩瀟灑

蒼秀無虞諸態六復不類右軍序筆法蓋不受法縛乃自成家

戊午四月朔臨

董其昌識

知制誥  
日誦官

太史

董其昌印

昔人臨楔帖不惟形模弗失而行間并存文敏公背臨亦能  
使其神理宛然此古今來臨楔帖者一大異也是卷尤稱合  
作公書中洋：乎巨觀哉在翁先生筆法直逼君謨宗旨相  
近宜乎其有冥契矣 懶逸張孝思敬識 張則之印

董文敏書楔帖當以此本為第一 辛亥夏五白岳汪濬拜  
觀

華亭書楔帖縱筆所如心手兩忘之妙而歸其宗于誠懸江  
上先生萬綜古人神趣法董氏法解脫逸少而絕其跡出于  
天成者也 垢道人程邃敬識

此卷天游神行無復筆墨蹊徑臨楔第一手也山谷詩云隨  
人作計終後人自成一家始逼真惟文敏可當此耳 臨川

李來泰識

李來泰印

臺石



蘭亭以定武為最唐文皇命歐陽率更摹入石歐體寒峭不  
類右軍手腕惟定武本能接山陰正派想仲由既見孔子則  
肅雍升堂不復露桓桓本色會有以褚河南摹契帖見示如  
花叢上林月澗淮水可稱墨瑤國朝惟董宗伯玄宰臨蘭亭  
與褚河南雁行修契詩妙入柳誠懸三昧結體溫潤神彩豔  
業以高麗精重規模晉唐展對間覺妍秀之韵撲人眉睫此  
公真魄率天中人也萬歷戊午公年六十有四林居多暇翺  
翔苑苑尤為合作流傳楚中一賞鑒家乙酉兵變家弟送楚  
携歸余藏之清歡堂當為董書第一  
書識 二 姜紹 同邑 蔣清書 蔣清 文治生 戊子仲夏西阿姜紹

董香光書王介甫金陵懷古詞卷

絹本大行書高七寸一分長一丈二尺五寸四分詞三十七  
行三字後題十九行字略小行三四字稍一接文敏此書  
實用涪翁筆意通勁空靈無一滑筆絹素蠹傷精神未減有  
湘林墨綠鈕祜祿氏二印卷首有長白薩迎阿印湘林二印  
後有鷗波湘林審定鈕祜祿氏湘林珍藏賞鑒圖記薩迎阿  
印四印又八卦香以為室吳榮光印二印前題四字末款

金陵懷古 東坡赤壁辭獨步當世及讀介甫金陵懷古歎曰

此老孤精猶在李白捉碎黃鶴樓信有此事古人讓善不以仇

廢如此蔡京輩乃以黨故欲盡禁蘇家之文何耶 董其昌

坡公大江東詞得黃涪翁書之頓成雙美王半山金陵懷古不減坡公然當時未聞有人書之者設章蔡輩即為揮毫其

能與涪翁抗行千古耶以此知文章翰墨要以人重而傳耳董文敏公有慨於此慘然於古人與善不以人廢特欲為半

山洗千古之陋遂書此詞其筆力雄健古雅直欲跨越涪翁在文敏平日書中策為合作者余竇藏之有年每游輒置行

笈中今春過堯江謁中丞公出此共賞公極贊歎謂閱董蹟多矣無踰此者時公方按部金陵曰舉此為贈樓船蕭鼓對

澄江似練翠峰如簇展此卷抗聲長歌俛仰今古公之興會當何如也康熙丁丑夏四月朔日林佶謹跋于皖署之水心

亭 林佶之印 吉人

右董文敏書金陵懷古詞一卷余丁卯使浙過清江陳夢生



明府所贈已已携至津門以示約齋司農把玩不去手舉以  
為贈既而司農轉贈湘林儀部古蹟如雲煙過眼貴得所歸  
約齋善鑑湘林善書俱能不為此點玷湘林屬為記所自得  
于卷末逸筆新意董家長伎此卷所貴尤在雄健耳 乙亥  
四月既望南海吳榮光書後 吳印  
此卷舊為吉人林氏所藏後歸粵生陳氏贈吳荷屋中丞荷  
翁贈約齋司農約齋贈湘林將軍湘翁贈蘭止閣學後復賅  
還遂遺古漁廬訪同年余奉使金城獲觀并綴小詩於後云  
嘗恠孟東野低頭得退之誰云半山筆不及大江詞烏巷斜  
陽地鴻堂夜雨時精靈瘦劍合孰敢辨雄雌 道光二十九  
年十二月望觀齋祁寓藻并記 觀堂

董香光節臨小雲麾碑卷

瓶麓齋舊藏

紙本高四寸五分長六尺二寸三分紙二接二十七行行四  
字筆力沉着規模北海能得其神卷首有高陽李霽坦園氏  
圖書心遠堂圖書記二印末有李霽私印據梧居士坦園書  
書三印後題

李北海小雲麾李秀碑字拓已漫漶不可讀偶得全本尚闕數十餘字無能補完然皆學王大令唐書仙手之評無慙色也米襄陽獨有貶辭至所著書史獨有此帖入神之一目英雄欺人不可盡信 乙亥正月廿九日臨并題 玄宰

予來粵中頗收董書然非其至者概屏弗取此卷臨李北海是董書極詣可寶也 振甫識

### 董香光節臨黃庭經各種卷

紙本行楷相間高七寸三分長一丈七分原為冊後改卷紙二十接臨古跋識共十二段卷首儼坐秘玩子孫保之李鼎楓亭居士醒齋真鑒五印末李定洛書畫記標花里錢樾所藏等四印

第一段臨黃庭十行又四字末題



背臨黃庭外景經

第二段行書十八行

黃庭經為右軍換鵝經相傳已久又有謂換鵝乃道德經太白詩可據而華陽隱居與梁武帝書已有黃庭之評至孫過庭亦唐時書家稱黃庭者不一而足乃今世所傳石刻字形大小各本不同何論用筆吾家藏宋拓師古齋帖宋高宗刻于大內字形稍開拓元人稱為越州石氏本較之寶晉齋絳帖等刻頗異然以為右軍迹未必可信況換鵝何據也要知二王之書世間罕存吾輩但向墓田丙舍官奴玉潤楔帖想其風韻神情不落

唐人蹊逕自成一家去山陰何遠隔十由旬也 壬申六月朔  
苑西邸舍書

第三段小行書八行

主上嘗手批詔旨有十一字賀世壽陞光祿寺少卿添註按世  
字最難寫今御書卅字下別作一畫便覺承載厚重註字一偏  
一正以臣輔君如昔人書群字為羣天然默契不可思議非深  
於書道者當謂此語為諄有紗帽好吟詩之誚矣 十二日

第四段行書四行

轉筆處放筆處精神血氣易於放過此正書家緊要關津造物



待是而完也但知出筆不知轉筆放筆書必不詣極

第五段行書九行

書須參離合二字楊凝式非不能為歐虞諸家之體正為離以  
取勢耳米海岳一生夸詡獨取王半山之枯淡似不能進此一  
步所謂雲花滿眼終難脫去淨盡趙子昂則通身入此玄中覺  
有朝市氣味內景經曰淡然無味天人糧此言可想

第六段行書七行

米海岳有一帖云予自十歲學書臨做碑帖有謂似李邕者心  
惡之已學沈傳師王獻之遂成一家法又有書評云李北海如

暴富小兒北海頗為米家鈍置恐非公論

第七段行書八行

楊少師有詩挽師僧二首予家有此帖已失之今尚能紀一首  
與師甲子實同年眼見興亡陵谷遙立德宅中花爛熳摩訶城  
外草芊綿我為儒士多縈挽君向空門少靜緣今日靈魂何處  
去空留遺愛萬人傳

第八段行書六行

又有合浦散詩滴漉如鰈淚晶瑩出蚌胎珍同席上客花自月  
中来投分偕良玉論文仰大才纓綬步將振霄漢路方開



第九段臨爭坐位帖十四行

第十段書安西都護趙含章餽遺群臣事蔡楷書七行

第十一段楷書三行

顏魯公撰宋廣平碑此事失載重紀碑側亦如碑陰刻

第十二段行楷仲夏萌生早八行

臨李北海 董其昌

墨礪換鵝興自佳耳以為道德五千言又云黃庭外景經可  
無深論松雪臨道德經石刻或於其後仿登善數字似松雪  
學褚法益滋葛藤至於鶯羣有帖大為黃長睿揶揄坡公不  
以為偽以其書自佳耳黃庭亦多褚臨太白不云換鵝者何  
書也香光臨寫數行內忽攙內景一句非誤也心欲通山陰  
於楊許耳自記拉：難：不行不陌書韵固超文筆尤逸以  
下隨意臨仿其意匠皆送怡擇虛無而來觀者須以四字求  
之乃能有會 劉墉 題

古緣萃錄

易五

苗

澄蘭室

黃庭棄捐搖俗專子精獨松雪所藏唐搨本作淫欲香光亦嘗見而跋之此卷蓋即臨松雪藏本耳然香光政不若是拘墟也所謂寫帖不得不似不得過似者亦香光中年持論如此至晚年直是意行不復於似不似之間起分別想矣傳世書雖多如此境地者希有撫堂先生宜寶弄之

識

紹興

皇十一子

# 董香光書論書畫四則卷

絹本行楷高七寸一分長七尺八分都六十九行

今年春正在吳閬得王百谷所藏絳帖須携以自隨疑為澧州帖觀其每數十行輒有武陵二字又疑為鼎帖及入常武署中繙閱第一卷以宋太宗為并跋曰太宗皇帝御筆在絳州摹為諸帖之首後有款名曰鼎州提舉曰辰沅判事常武為鼎州而



武陵其附城邑也乃定為鼎帖特為絳州二字所誤而世人只知有絳帖遂誤名為絳州帖耳絳帖鼎帖星鳳樓羣玉堂黔江澧州淳熙秘閣續帖世皆無傳至有對面不識者余之具眼猶知床頭捉刀為真魏武耳誌此俟它日語百谷了一公案也

吾學書在十七歲時先是吾家仲子伯長名傳緒與余同試于郡郡守江西袁洪溪以予書拙置第二自是始發憤臨池矣初師顏平原多寶塔碑又攻學虞永興以為唐書不如晉魏遂專做黃庭經及鍾元常宣示表戎輅表力命表還示帖丙舍帖凡三年自謂逼古不復以文徵仲祝希哲輩置之眼角乃於書家

之神理實未有入處徒守格轍耳比游嘉興得盡觀項子京家藏古人蹟又見右軍官奴帖于金陵方悟從前妄自標許譬如香巖和尚一經洞山問倒願一生作粥飯僧予亦願然筆研矣然自此漸有小詣今將二十七年猶作隨波逐浪書家翰墨小道其難如是况學道乎

余嘗謂右軍父子之書至齊梁而風流頓盡自唐初褚虞輩一變其法乃不合而合右軍父子殆如復生此言大不易會蓋臨摹家易神理難傳故也巨然學北苑元學北苑黃子久學北苑倪迂學北苑同一北苑耳而各不相似使俗人爲之與臨



本同若之何能傳世也

董北苑畫樹都有不作小樹者如秋山行旅是也又有作小樹但只遠望之似樹其實憑點綴以成形者余謂此即米氏落筍之源委蓋小樹最要淋漓約略簡於樹杪而繁於形影 董其

昌識

宰

董香光書登樓賦卷

紙本行楷高六寸八分長三尺七寸三分都三十五行字前大後略小字數不等用筆圓勁深厚洵所謂一洗娟豔之習者也款識五行

以楊少師韭花帖筆意書仲宣賦亦兼用陶隱居華陽帖欲一

洗娟豔之習耳

壬子二月十三日

董其昌

董其昌

知制誥  
日講官

董香光書昆吾洲記卷

瓶麓齋舊藏

綾本大行書高七寸四分長八尺五寸四分都四十行筆意頗仿蘇長公而間露本色稍異平日之作惜蠹蝕多處前有林少穆珍藏印又一關防不可辨後有雲西審定印後款

右書昆吾洲記

其昌

知制誥  
日講官

董其昌印

思翁此卷未署年月細審其用筆于騰擲中仍極沉着鎮帝殆脫胎北海故孔南宮而將追蹤魯國時作應在周甲左右少穆先生善書精鑒以此言為何如 辛丑秋七月陳延恩記

陳氏

馬印

此卷為宮傅林文忠公所藏滇完君蒼湄明府自粵游閩其將旋粵也公孫小颿茂才持以相贈蒼翁如獲拱壁囑予識數語於後予昔在公七十二峯樓讀書數年時与是卷相親喜其筆：飛騰筆：沉着至不忍釋手今重觀此正如異鄉



邂逅故人跋而歸之又如相聚未久匆：話別黯然魂銷也  
蒼翁行有期矣書此以誌萍蹤它日展玩晴窓當無忘三山  
聚首時乎 同治六年仲冬榕城王景賢敬題

董香光書東坡大江東詞卷

瓶麓齋舊藏

綾本草書高七寸二分長九尺五寸四分都三十三行三  
兩字後款

其昌書

知制誥  
日講官

董其昌印

此卷用筆極空而不免于率非文敏經意之作以非贗也故  
仍錄之

董香光書唐詩卷

綾本二段題首香光居士書禪六大字款澄華室收藏文治  
第一段草書高七寸四分長七尺八寸五分寫挂席幾千里  
屋上春鳩鳴五言古詩二首都廿八行後款

董其昌書

知制誥  
日誦官

董其  
昌印

第二段行草字較小高八寸長六尺一寸八分寫東宗山居  
圖七律三首都三十行印首都有一賞齋印

簫笠扁舟白馬談勞生忽已鬢髹、無能九土游其八不朽千  
秋共此三曲水竹林分左右青山賓主列東南此中但可吟風  
月百尺高樓一艸庵 當年游宿遍名藍棗柏禪師共塵談受  
記可當千佛一論文曾許兩都三應將綺語卑江左直溯宗風  
自嶺南莫訝繩牀分半席庭前樹子早同參 洗耳應停朝市  
談憂時詞客未為慙遙聞羽檄飛遼左何日穹廬捍幕南虎豹  
愁人聞自九馬才更僕語成三希夷居士今如在高枕高歌莫



太憨 題東余山居圖 董其昌書

明刻語 董其昌印

董香光仿米雲山卷

絹本水墨高七寸長六尺九中裂二接烟雲變滅林壑深幽  
起手平巒起伏亭屋互映中路溪橋水閣遠岫迷茫入後野  
屋參差雲山淡蕩溪頭一人立舟中此卷眉公題為仿方方  
壺真接米家父子一派實則兼有房山筆意蓋四家俱本王  
洽固是一鼻孔出氣卷首有李氏愛吾廬收藏書畫記下角  
有北平李氏收藏印末有李氏珣秘李雲審定真蹟印題款  
在卷前二尺後末上角有眉公題八行

山中宰相有仙骨坐愛嶺頭生白雲壁張此畫定驚倒先請喚  
人扶著君 余寫米家山遂書米公自題 玄宰 董其昌印

此圖玄宰全仿方方壺烟雲百變儼若置身溪谷中即王洽  
濃墨未必能淋漓至此真接米家父子一派 眉公陳繼儒

題  
儒

董香光梧陰試茗圖卷

瓶麓齋舊藏

紙本淡設色高八寸二分長二尺六寸題另紙高八寸一分  
長一尺六寸二分一坡平坦梧竹清幽一人坐石上品茶一  
童在樹根扇火依石芭蕉數本設色淡雅靜氣迎人卷前下  
角有董其昌印未下角有錢樾所藏印又半印一撫字題上  
下角有撫棠珍賞印又半印鑑賞二字後跋前錢氏收藏秋  
林書屋印

金陵春卿署中時有以松蘿茗相貽者平耳歸來山館得啜  
尤物詢知為閔汶水所蓄汶水家在金陵與予相及海上之鷗  
舞而不下蓋知希為貴鮮游大人者昔陸羽以精茗事為貴人  
所侮作毀茶論如汶水者知其終不作此論矣 戊辰嘉平三



曰董其昌

字伯  
璠

素秋旻曉，梧竹影閑。處罷塵勞，幽人試新茗。坐汲水  
火和意得，雲露永此事。若近名色裏，豔京挺誰將。七椀風坐  
換一眼井。宗伯孝懷人，烟江判歸艇。寫出尺幅圍，澹對有餘  
省。此圖為嘉善撫棠先生所藏，出以索題。口真者在前，遂  
氣懾而不成字。癸丑仲冬廿六日，皇十一子識。諡晉  
汲泉沸鼎，武文剗紙，窗竹屋旗，槍分坐上。客佳有名，理檐前  
山好無垢，氣希風柔，芒亦成癖。落筆香充，還張軍髻，絲禪榻  
偶乘興到今，楮墨長氤氲。癸丑冬日，劉墉題。題  
此弓与前臨黃庭各種卷俱為撫棠先生所藏，有成邸石庵  
相國題跋，合置一處，可稱香光居士書畫進璧。

董香光仿馬文璧山水卷

瓶麓堂舊藏

紙本水墨，高六寸六分，長六尺七寸三分。帝二接筆，意老橫  
墨色蒼古，起手古松曲蟠遠山，突起坡上一人扶杖一童抱  
琴隨之。竹木蕭疎，峯巒叢密，中露出茆屋，繞以竹籬，中止一  
人中幅老樹槎枒，兩峯對峙，寺宇隱約，恰在山坳入後山村。

鱗次溪橋長橫野岸空明遙岑層疊文壁畫不多見此卷臨摹脫盡平日意境卷首有唐宇昭印隔水綾上庚子拜經之室一印末有吳廷私印綾上張絰之印庚拜所藏二印款在上角後題七行在款前

玄宰為太常詞文畫

宰

此余二十年前摹元人馬文璧長卷用卿太學以不類余平日

所作乞為題之亦可笑也 己未冬日董其昌

董其昌印

董香光仿高尚書山水卷 瓶麓齋舊藏

紙本設色高七寸六分長七尺九寸七分紙二接用筆清潤設色淡冶起處巒頭圓厚路徑中橫山盡坡平人家一簇以次峯巒迭起溪水奔流小橋臨波層軒隔澗一帶岩厓競峙林木爭榮茅堂宏開背山面水溪草縈帶兩：扁舟入後山勢銜接忽起高峰雲影波光一望無盡文敏此卷雖曰仿房山而點綴精到兼有松雪筆意刻意摹高惟遠山一帶而已



卷首有伍元蕙儂荃氏曾藏潘健盒處細雨斜風乙未生四  
印隔水綾上有德畬心賞藏張長史郎官記之室集處潛夫  
四印末有王氏家藏茂京趙本春印彥槐審定南昌萬氏珍  
藏伍氏南雪齋書畫之印子韶審定臣潘延齡潘氏健庵九  
印又程邑半印隔水綾上有萬石君奇花初胎萬十二淵北  
氏收藏印烟雲過眼四印

余在長安苑西草堂曾見高尚書有此卷兩窗岑寂追憶為此

玄宰 昌

思翁書畫皆以神韻勝無論大鯁尺幅一展卷即望而可知  
此卷深厚沉鬱別是一種筆墨自云假高房山然其蒼潤之  
色雄渾之氣以視元章元暉當無愧色要知前輩所蓄者深  
矣余嘗得思翁行楷一軸書南宋人小詞其筆意乃似魯公  
坐位帖皮相者或以為贗此豈可與論鑒別哉余又有論書  
絕句云美女時花孰敢憎香光老筆劉飛騰紛紛海內傳衣  
鉢猶認羊車是上乘讀此畫者亦當以此意求之戊子三月  
再觀于寓樓拜題 復翁郭慶

臣慶

老復

古緣萃錄

弓五

三

澄蘭室

思翁云書要熟中生畫要生外熟又云畫家以古人為師善  
矣更上當以天地為師皆論三昧語此卷云仿高尚書然似  
房山者僅數筆耳其餘純用董北苑黃子久兩家筆意雄渾  
蒼秀氣韻生動真所謂生外熟者其以古人為師耶抑以天  
地為師耶吾不得而知矣淵翁其實之 己丑十一月中浣  
齊彥槐呵凍書

彥槐

蘇

海客

思翁著色山水卷殊不可親乙未九秋何紹基觀

龍珪  
軒印

光緒丁丑二月振甫楊慶麟贈藏  
又有羅六池觀款並跋隔水後上有郭麐改琦汪鴻孫義鈞  
王恩植汪敬蔣日培同觀款

### 董香光仿子久山水卷

絹本設色高七寸六分長六尺二寸筆力沈雄氣息古厚鈎  
勒多用秃筆尤覺落大方其間樹石似子久巒峯侶房山  
屋舍坡陀又近雲林魄力極大邱壑皆奇固取法于子久者  
多也尾題

閑花滿巖谷瀑布暎杉松啼鳥忽臨澗歸雲時抱峰 辛酉夏



日畫并題 玄宰

太史氏

董其昌印

董香光臨蘭亭叙冊

紙本八開十六頁高四寸七分濶二寸九分每頁烏絲界三行六七字用筆順逆往來曲折如意空靈沉着兼而有之摹契帖者每依其行次或歐或褚皆可指名惟香光此冊與前一種皆我行我法而自得蘭亭神韻不復于似不似間起分別想矣此冊尤極經意董書中不多得之品後款

己巳夏日臨 其昌

董其昌印

董香光小楷洛神賦冊

瓶麓齋舊藏

紙本七開四行計十五頁：高七寸六分濶三寸九分四五行不等字六無定數筆致滿洒鬆秀絕倫蓋用大令十三行筆意首頁有生甫氏之定私印曾經蔡生甫眼三印末款

天啓乙丑仲秋雲間董其昌書於書種堂

董其昌印

董文敏此書六有翩若驚鴻婉若游龍之妙古肆疑為偽作  
索值極廉余購得之物之遇不遇信有時哉如瓶室主人識  
文敏於天啓乙丑正月拜南京兵部尚書時年七十有一人  
書俱老益堪寶貴帝本瑩厚如玉版殆硬黃箋之類滑不留  
指非手腕具大神力未易著筆也舊藏古刻大令洛神照全  
本乃世目所不多覲者它日擬令潢匠裝于此冊之前同治  
壬申臘月七日振甫麟識

董香光書唐五律詩冊

紙本九開計十八頁：高六寸一分闊三寸八分楷書行楷  
大小相間每頁四行字數不等共排律四首律詩七首筆力  
沉着無浮滑之筆疑鼠鬚乃硬毫也此冊先大夫藏之有  
年前後皆有印識末款

甲戌九月既望試朝鮮鼠鬚筆其昌

董其昌印

董其昌



董香光臨東坡書札冊

紙本十開十頁高六寸九分闊八寸烏絲直界八行字數不等首行小楷臨蘇黃米蔡帖六字知臨宋四家書僅存此冊臨蘇耳計七札長短不一帝墨精潔筆意宛然致佳品也首行印刮去未題

東坡先生愛用宣城諸葛豐雞毛筆故字畫稍肥晚歲自儋州回挾大海風濤之氣作字如枯查怪石書家不可及也 其昌

識

宗伯 董氏  
學士 玄宰

董香光書桃源行琵琶行詩冊

紙本十二開廿四頁高六寸闊三寸四分四行字數不等琵琶行八開末款董其昌董玄宰太史氏二印桃源行四開末款思翁有董玄宰一印餘帝書池上篇一首小行書八行末款董其昌聯珠小印首頁印首戲鴻堂中有怡府世寶印下

角有韻華主人珍賞印末有韻華齋印韻華主人珍玩冰玉  
主人珍玩琳圃珍賞四印

### 董香光書律詩冊

紙本十四開又半計廿九頁高七寸四分闊四寸三分行楷  
大小相間行數字數不等詩七律十五首第九首下缺二字  
疑尚缺一開前三首與第六首小楷最精餘六圓轉自如鋒  
簇韻流前頁有養園老人滇生乃晉海槎珍玩三印下角淡  
定軒主人鑒藏七小字足所好齋印末有朝邑李氏晏徵曾  
觀八小字及潤堂湛露珍藏晏徵珍藏許滇生等六印末款  
董其昌 昌 年

### 董香光尺牘冊

瓶麓齋舊藏

紙本二十開第一札二開四頁高七寸二分濶三寸五分都  
十九行印首其昌印四頁末角有黃海印第二札五開十頁  
高七寸闊二寸八分都三十九行末頁有張則之印第三札  
五開十頁高七寸二分濶二寸六分都四十行末有張則之



印第四札一開二頁高七寸二分闊三寸六分都十行印首其昌印第五札一開二頁高濶行數同第六札二開四頁高七寸二分濶二寸九分都十五行印首其昌印四頁有張則之長印第七札二開四頁高濶同都十四行印首其昌印第

八札一開一頁高七寸二分闊八寸三分都十二行印首其昌印第九札一開二頁高七寸二分濶三寸四分都十行似

未完九札字之大小相仿隨意揮灑氣足神完札語煩不具錄前有文敏小像振甫先生題小隸字註摹伊墨卿藏本旁

記云偶見董文敏小像命工模寫附裝冊首光緒丁丑冬月楊慶麟識又錄王鉄夫贊曰皇帝建元之初余將出為華亭

校官一日過曲阜桂未谷觀所藏華亭尚書小像其明年到官以職事奉檄往祀其祠見祠中塑像恍若舊識蓋塑像与

未谷所藏故逼肖也今余偕計來京師見墨卿太守摸藏此冊因為題讚於後證書畫禪現老婆相我謁其祠恍曾揖讓

祠側告身卧石相向門戶衰孱子孫悵惟其英光世所慕仰遺紙一番傳摹依樣文采風流千秋無恙嘉慶四年二月

五日華亭縣教諭王芭孫書 振甫錄 題簽董文敏尺牘真跡江上鑒定十一字為宣江上書

古肆以董書一冊送著冊為伊墨卿舊藏有張文敏諸家題跋冊首有朱鶴年所模董尚書小像因市賈居奇不能成購遂命工摹像并手錄王惕甫先生像讚附裝于此冊之首光緒丁丑十一月望日振甫楊慶麟識

董文敏尺牘流傳尚多此冊特精妙可喜曾徑江上外史鑒藏簽題完好尤堪增重也丁丑二月振甫識

華亭尚書自云吾書可直接趙文敏近日見公所書樂志論精楷一卷秀勁圓美使松雪為之亦無以過乃知古人精詣其自揣分量正復不棄絲銖松雪自謂畫馬不讓龍眠亦此意耳 振甫

### 董香光尺牘冊

紙本八開第一札一開高八寸闊一尺三寸七分都廿四行印首其昌印第二札一開高闊行數印首並同第三札一開高六寸八分闊一尺三寸六分都廿二行第四札一開高六寸七分闊一尺一分都十六行印首其昌印第五札一開高七寸闊一尺三寸七分都廿四行第六札一開高六寸八分闊一尺三寸六分都廿三行印首其昌印第七札一開高六



寸七分潤一尺二分都十六行印首其昌印第八札一開高  
同闊九寸二分都十五行印首全八札字大小相仿略有率  
筆不及前冊之精然神動天隨無限天真亦足珍也  
古人重稿書謂其無意于書而粗服亂頭天真盡流反有非  
它書所能及者右軍蘭亭魯公座帖是也尺牘雖非稿然較  
他書為便易此冊蓋尤其率者宜乎神動天隨自然入妙雖  
詩之湘中不免蟲蛀而精神自爾耀露吾子孫其永寶之  
光緒三年端陽日卧雲識

董香光仿古山水冊

金箋水墨十開高一尺一寸七分潤八寸六分  
第一開峯巒中峙樹林陰翳淺水長坡筆墨清潤北苑得意  
作也題在右上

喬木生畫陰清泉響寒溜前邨杳靄中大有雷霆鬬 玄宰

董其昌印 以下印並全

第二開兩峯對峙中露人家溪草岩松高低相映有大廡之遺意題在右上

炊烟連續靄隱見松亭亭中有靜者單讀淨名經 玄宰

第三開岩石突兀雲樹迷濛邱壑嶽嵒奇點皴濃密用筆在董巨之間題在左上

石洞出雲根觸膚雲自在壁壘雖怒飛只作等閑事 玄宰

第四開山勢陡峭形如巨瓜雲氣中橫瀑布直瀉老松古茂溪草皆幽題在左上

近水晚逾碧遠山秋未黃夕陽寒滿地松影落衣裳 玄宰

第五開巖岫重雲氣圍繞木葉半脫意境幽深得力于北苑為多題在左上

虛檻列雲岫閑階響石淙若添千頃竹又領渭川封 玄宰

第六開雲山縹緲溪水澄清樹色蒼茫氣息極為深厚房山有斯妙筆題在右上



雲海盪吾胸筆隨意所到猶如剡雪船何必見安道 玄宰

第七開山色迷離雲氣洶湧樹木叢雜屋宇參差二米遺法  
後未惟方壺能之題在左上

幽人茶竈烟每與宿雲亂憑軒望所思春湖渺無所 玄宰

第八開山勢起伏雲氣因之林木繁縟溪橋平遠竹籬茆舍  
意境悠然題在右上

烟渚輕鷗外晴巒盡鷁前何須苦聯句觸眼白雲篇 玄宰

第九開羣巒競出樹石玲瓏屋舍橋梁隱約可指黃鶴山樵  
善用此法題在左上

南山與秋色氣勢兩爭峙閑者解其紛君今已閑未 玄宰

第十開層岩雄厚老樹蒼深雲影波光一望無盡樸花盃主  
用意注：如是題在右上

巘崿蓮為峰漣漪柳成浪此中可卜居於以遂天放 玄宰畫

并題

董其昌印

董香光仿古山水冊

絹本十開每高六寸九分闊四寸四分  
第一開水墨遠岫參差樹石澹潤題在上偏左

山水未深魚鳥少此生還擬更移居 仿巨然 玄宰

董其昌印

第二開水墨坡陀深秀林屋清幽遠山分明有雨過天青之意題偏左

北苑一木一石具有生趣不必千巖萬壑也 玄宰

第三開水墨山容雨意樹影雲光墨濡淋漓氣息渥厚題偏左

臨平道上寫米家山 玄宰

第四開設色巖壑清幽峯巒平遠波光樹影隔斷塵氛題在右

上



仿子久 玄宰

第五開水墨溪山淡遠林亭秋深題在左上

雨洗秋山淨林光淡碧滋 倣倪高士 玄宰

第六開水墨遠山層疊群木陰濃筆勢縱橫墨光沉鬱題在右上

倣梅道人法以董巨為宗 思翁

第七開設色林巒濃厚點染渾成雖仿仲穆實近大痴設色之作題在右上

倣趙仲穆 元人法當以唐宋為骨方能渾厚 玄宰

第八開水墨溪山無畫林木參差平淡之中時見深厚題居中

連潭萬木影隔岸千巘幽 仿樊文貴 玄宰

第九開設色翠岩高峙白雲中環樹蔭四合溪流幾曲題在  
右上

樹密多因雨山空半是雲 玄宰做馬文璧

第十開水墨水天如墨巒嶂凝寒積雪林端蕭疏有致題偏  
左

做李營邱寒巖積雪 玄宰 印並同

此冊為晏如姪所贈有汪杜林先生題簽詒安堂舊藏物也  
筆墨精能蔚然溪秀文敏山水中精品也

董香光仿古山水冊

紙本六開十二頁對頁題語行楷大小各異每高七寸四分  
潤四寸九分畫上皆有撫崇鑑藏印

第一開水墨巒勢嶙峋林陰重疊準松依澗野屋臨流鉤勒  
點皴悉本一筆右角下有米仿甫午風堂書畫印二印對頁  
上有米仿甫孫氏家藏二印題在左上



玄宰寫小景六幅

玄宰

黃子久常寓東陽道院余有一冊得之吳光祿者畫既秀潤楷

書特工

其昌

謹其

第二開設色高阜隆起衆石迴環阜上一古閣拾級可登雲外一峯絕似房山題在右上

山川出雲

玄宰畫

玄宰

舟泊溪流曲々鳥啼烟樹重々獨思白鶴遺址好居五老雲峰

倣顏魯公筆書倪雲林詩

其昌

謹其

第三開水墨一峰孤峙瀑布中懸灌木陰濃溪流湍激兩山之間安排水榭數椽意境幽極題在右上

玄宰

玄宰

東坡云論畫以形似見與兒童隣作詩必此詩定知非詩人此

言畫貴神詩貴韻也

其昌

謹其昌印

第四開設色溪天清曠斜矗一峯兩坡小樹數株朱幹綠葉山石亦多以朱綠點染畫法奇闢古雅絕倫題在右上

擬張僧繇沒骨山

玄宰

韋

女蘿繡石壁溪水青濠

其昌

謹其昌印

第五開數峯雲繞衆木林立茅屋背山面水宗無一人筆力沉雄墨華滋潤題在右上

玄宰寫

韋

郭若思論畫山有可居者有可望者有可游者此圖似可居不

其昌

謹其昌印



第六開兩峯並起一阜中開古木森排孤亭高峙魄力雄健  
氣勢崢嶸題在左上對頁上有尔準私印閣浮檀金二印

做北苑筆

玄宰

宰

二月東風溪水綠幽林脩竹影參差枝藜日溪西路魚鳥相

娛只自知

其昌

謹其

昔人論畫要毛惟毛乃氣韵深厚四王多汚此法文敏此數  
幀獨光弼光弼厚非具大神力者不能論畫品當在四王之  
右所見文敏畫以此冊為極則書則以書介甫金陵詞臨楔  
帖冊為絕詣皆所謂真實本領無以復加者也

華亭山水在明季有開米繼注之功其魄力雄渾筆墨深厚  
固由天資亦緣所見宋元名跡已多一：汚之于心應之于  
手非汚真迹極品固未易識也画禪室隨筆云畫之道所謂  
宇宙在乎手者眼前無非生機故其人注：多壽至如刻畫  
謹細為造物役者乃能損壽蓋無生機也子久石田徵仲皆  
大耄實父不永年吳興止六十餘仇与趙雖品格不同皆習

古緣萃錄

与五

共

澄蘭室

者之流非以畫為寄以畫為樂者也寄樂于畫自黃公望始  
開此門庭耳其論畫如此然則公之山水所謂以畫為寄以  
畫為樂者故其享大耋年與子久石田徵仲等

董香光書陳希夷謝表軸

瓶簾齋舊藏

洒金箋高四尺一寸七分闊九寸六分行書五行約四十  
餘字寫希夷謝表廿六句運腕空靈圓秀可愛餘希題

希夷嘗於華山水邊閑步見壺公赤松子呂洞賓相繼至有地  
神獻果一梓酒一器飲酌半酣各賦詩而去其昌書丙寅二

月

宗伯

董氏

董香光仿松雪翁山水軸

紙本設色高三尺六分闊一尺三寸三分山峯重疊路遠分  
明飛瀑高懸古寺旁露下坡茆屋幾椽松釵細密映以丹風



綠樹怪石枯枝疎見深秀設色淡冶點綴疏落兼工帶寫文  
鉅画中之極精緻者題款在右上

積鐵千尋屈紫虛雲端雞犬見邨墟秋光何處堪消日流水聲

中把道書 余家有趙子昂巨軸山水每欲臨摸輒不肖似今

以畫中諸景收為小幀鑒者能以巨眼知我 玄宰

宗伯 董氏  
學士 玄宰

董香光仿北苑山水軸

紙本水墨高四尺七寸五分濶一尺五寸一分峯巒迭起坡  
石瑰奇溪水空明白雲香靄近岸山石高下羣木扶疏魄力  
沉雄筆墨深厚紙墨如新尤不易得右角下有嵩羊目賞印  
左角下有武林翁氏書画記真跡秘玩印又神游心賞遠庵  
審是識者寶之印右角工有何璫玉印何氏遠齋審定畫書  
款題偏右

歲在丁巳九月之望寫贈玄蔭使君時在武林之樂志園 董

其昌識

太史

董

董香光仿倪高士山水軸

絹本水墨高三尺二寸四分闊一尺六寸溪山淡遠對峙坡  
上一亭竹樹逸之臨溪巨石密柳長松兩相映筆意挺秀  
氣韻深純右角下有烟客鑑藏印題款偏左

此仿倪高士筆也雲林畫法大都樹木似營邱山石宗關仝皴  
似北苑而各有變局學古人不變便是籬堵間物去之轉遠乃

絲絕似耳

壬戌四月

董玄宰

畫

年

董香光仿古山水軸

瓶麓無舊藏

絹本水墨高三尺四寸六分闊一尺四寸七分一峯高插巨  
石斜撐遠岫共連長林直豎境極奇闊筆墨縱橫惟絹素稍




暗耳上居中有顯親王寶款偏左

玄宰寓於東余舟次

宗伯學士

董





澄蘭室古緣萃錄卷六

古虞 邵 松年 輯

明

莫雲卿摹洛神右軍像卷

瓶麓齋舊藏

紙本高八寸四分長三尺六寸二段前段工筆設色摹洛神  
凌波像仙袂飄飄真有將飛未翔之勢上臨大令十三行十  
四行又半下款

萬厯丁丑夏日臨王大令十三行洛神賦於竹西草堂徐文卿  
篤意晉人風骨其臨池翰墨翩翩欲度驂騑前迺顧索余書不

覺指腕羞澀莫雲卿廷韓甫

靜庵

雲卿

莫是龍印

後段白描右軍像同立者又三人嘗見舊刻洛神賦全本前  
有此像廷韓此幀蓋有所本也上臨蘭亭叙十九行又五字  
題款三行畫後有莫雲卿廷韓二印卷中有潘氏涑筠珍藏  
書画印黃德峻評書讀畫之章二印

世人學蘭亭不免有凡骨金丹之誚其來久矣余不揣迺復蹈  
斯轍豈欲冷後人復笑後人耶

卿雲

周百川列侯世封圖卷

瓶麓齋舊藏

紙本設色高七寸二分長六尺八寸六分一接深山大壑草  
木深密羣猴聚其中玩弄跳躍各肖其狀共百猴題首列侯  
世封四大字款丙申仲夏雁門文枏慨庵道人嵩文二印卷  
首下角有蕉林圖史印款在尾

甲辰春日周用寫

順

玉洞雲巖曙色開紫芝瑤樹向春栽披罔喜氣增眉睫積善  
公侯袞々來儼山陸深



易元吉善畫猿猴以刻劃見長凡寫生法揮其一則有餘及其繫則不足者雜沓紛披左支右絀比之而然惟隨筆點染觸處生情隨其高下位置無弗臻妙然又非庸史可辨也此列侯園為白川先生所製其間或飲或走或起或坐或挂枝或緣崖令觀者目眩自非具大手筆則又何能哉安福彭相國六表長筵且有得曾孫之慶用以為壽種德高門其厚澤正未可量因書為跋 何吾騶  
咸豐戊午初秋在杭城古肆偶見此卷重是鄉先賢手筆急以善價購歸而是夜此古肆忽遭回祿使稍緩須臾則亦煨燼矣名蹟所在有神物護持於益信 振甫楊慶麟識  
按白川先生吳江人弘治壬戌進士畫筆得沈周指授布置渲染高雅絕倫官至吏部尚書嘉靖丁未卒年七十二謚恭肅見明史暨畫徵錄周燦傳

## 謝樗仙仿石田翁山水軸

帝本水墨高三尺五寸六分濶一尺九寸六分坡石磊落林木杈枒臨水茅亭一人獨坐遠山隱約溪水潏洄唯見數雁

飛下而已右角下有古香樓主朱晟鑑藏過物蓮樵曾觀二  
印款在左

戲傲石田翁寫此園畝成翻覺穢形殊疎林碧水神馳遠淨几  
明窗趣不疎 閒來依樹搆虛亭矯：疎柯不受塵乘興相過  
無定約愛他魚鳥自親人 癸丑仲冬十月樗仙謝時臣用墨

謝時  
白雲  
臣印  
妙堂

趙文度振衣千仞岡軸

絹本設色高二尺五分濶九寸峭壁陡絕石骨峻嶒古木  
紅遙坡映碧一人獨立崖上有飄：淩雲之勢右角下有楊  
氏倩若珍藏左角下悉口凡二印款在左上

振衣千仞岡 己未夏日倣荆浩筆 趙左

趙文度  
左氏



橫雲插漢領諸峰雨過泉飛亂壑松赤壁豈經新戰伐丹楓  
須記舊游蹤祠荒故相江村鼓客散名園蘭若鐘莫信秦龍  
雲不去此山雲只為人龍橫雲山吳偉業吳偉業  
按梅邨此詩另紙疑非題此畫者後人因其寬窄適合詩意  
與畫亦近故合裝之耳

### 丁南羽蘭亭修楔圖卷

紙本高七寸一分長九尺八寸三分帝二接崇山峻嶺脩竹  
茂林左右激湍流觴曲水脩楔者四十二人列坐其次或觴  
或詠各盡其態中有三人坐亭上雙鷺鳬水面其凭檻而觀  
者當是右軍烏前後童子執役者七人蓋取童子六七人意  
其樹石工細似文待詔人物靈動似仇實父其白描衣摺筆  
細如絲不知龍眠畫法即如是至眉目疎秀裝束飄洒猶  
想見晉人風致按明益王有蘭亭脩楔圖石刻歷代當有畫  
本相傳南羽此卷定有所本但不能指定四十二人中某為  
某也無款識卷尾下角有丁南羽雲鵬二印簽為趙次閑  
題曰丁南羽先生蘭亭墨妙無上神品卷前裝有徐紫珊摹

孫退谷所藏柯丹邱瘦本楔帖岑浚粘有舊拓玉枕本一種  
予揭去另裝而以所摹定武真本補之復又錄修楔詩並後  
序于末焉

丁南羽秋林書屋圖軸

瓶簾齋舊藏

紙本設色高四尺一寸二分闊一尺二寸七分依山結屋編  
竹為垣小橋一弓脩篁萬个山坡繚曲溪水中橫度以紅橋  
映之碧樹長林陰翳湖石玲瓏茆亭之中二人對坐一童煎  
茶意自適也畫筆山峯似子久竹石似六如林木似衡山花  
草雙鉤具有宋元筆致右角下有汪立伯氏家藏左角下有  
潘氏聽颿樓藏二印款在左上四篆書

秋林書屋

萬厯戊寅秋日呈星樓先生

丁雲鵬

南羽  
丁雲鵬印

陳眉公書東坡居士詩語冊

紙本八開行書烏絲直界開八行高六寸二分闊八寸六分  
共八段眉公書法不免以偏鋒取勢然曰勢利導熟極而流



款 亦覺別有天趣此冊神動天隨按之草法不出規矩之外後

七十九老人陳繼儒書於菜香居

陳繼儒印 眉公

陳眉公仿大米雲山軸

綾本水墨高二尺三寸五分潤八寸雲山重疊樹色冥濛氤  
氲之氣勃：帝上筆墨秀潤直逼香光有乾隆御覽之寶五  
璽左角下一印賞鑒二字可辨款在右工

雨中做大米雲山

眉公

眉公 儒齋

陳眉公梅花軸

紙本水墨高三尺一寸八分闊八寸六分老梅一樹花蕊歷  
落枝幹蒼老筆墨清勁款在右工

月橫紙窗宛似此圖試為寫照

眉公

眉公 儒齋

明人山水扇面冊

第一開周東邨金箋扇溪山深秀松竹清幽野屋三椽二人隔窗對坐翁侍一童筆意老蒼款在下

東邨周臣 無印

第二開仇實父金箋扇長松細竹掩映巖前屋宇參差闌干曲折二人在坡前對坐童子捧槃翁立對面雲峰杳靄氣韵生動款在前

實父仇英製 十洲

第三開唐六如金箋扇峯巒起伏林木蕭森樹裏茆亭葦間畫舫一人獨坐舟頭是子畏鼎應之作款偏右

水曲山深市路賒晴光嵐氣酒帘斜趁船人盡歸家後惟有清

風埽落花

甲午五月畫似坤老道兄

唐寅

唐寅之印



第四開附赫奕白礬扇青綠山水羣巒疊翠花樹霏紅綠杉青松高低互映一舟搖蕩溪間春光一片入望淋漓款在下

臣赫奕恭畫

臣赫奕恭畫

第五開附張天瓶行楷廿五行六金箋即前東邨畫扇之背面也款

張照

張照

第六開附成親王小楷廿五行書秋興七律三首六金箋即前寶父扇之背面款

秋興

成親王

璵

詒晉齋

明人書畫扇面冊

第一開仇實父金箋設色石壁淩暉溪水縈青坡草鋪茵瘦松成蓋紫藤倒挂丹華芬剪一叟臨流獨坐野雲低渡情景逼真畫筆工細秀雅絕倫款在上

仇英實父製

仇英之印

第二開附空白金箋即仇扇之背面也尾有如瓶室主人珍賞七字印慶麟扇為外舅所昇原有骨前數年始揭裝以冠斯冊蓋精品也

第三開邢子愿書臨右軍書札十四行款

邢侗臨

第四開唐六如金箋設色山勢奇橫飛瀑直下孤松獨茂遠嶂重：二叟坡間對坐一童携画卷過石梁采筆致秀逸風景宜人六如畫中寫意之作款偏左

唐寅畫

唐寅私印

第五開香光牀書金箋十四行不知香積寺五律一首極不經意是酬應之作款

其昌書

董其昌印



第六開文待詔金箋水墨粗筆山水雲山淡遠林木清幽屋宇槁舟無一不備氣韵深厚對久弥佳款偏右

徵明

文徵明印

第七開香光行楷金箋十五行十二城樓閣苑西七律一首清潤圓轉綽有餘妍款

董其昌

董其昌印

第八開名家畫樹白礬面第一株老樹枯藤君平莊雅為鹿野兄寫印世杰第二株柳顧瑩印粲若第三株枯樹尊美似鹿野詞兄正第四株高松戊辰夏日寫卞璧第五株六株仿倪迂筆戊辰四月為鹿野兄戲筆王恂第七株枯樹徐澄寫似鹿野兄印澄第八株杉王臣第九株枯樹胡存第十株枯樹夏日為鹿野兄有邑印不辨第十一株枯樹文逸第十二株楊戊辰夏月丁紳寫第十三株仿米芾墨逸都十二人寫樹十三株羅列參差章法不苟六好事者所為也

第九開文待詔行書金箋十二行七律一首

林花落盡意蕭然舊喜園書病亦捐宛轉愁懷如蔓艸蹉跎春  
事到啼鵲縈空湫氣游絲困停午清陰碧樹圓怪底扣門都不  
應北窗無事心高眠

徵明

文徵明印

第十開白礬面枯樹杈坡陀平曠一叟扶杖過橋路迂曲  
折意境蕭森款偏右

寒林高士圖 宋懋晉

之明

第十一開周公瑕行書金箋廿三行五律二首有李鴻儀鑒  
賞章李慎珍藏勤伯珍賞三印

千仞懸青壁  
凌峯擁紺宮  
聞香巖桂老  
擎秀石臺空  
雲日陰晴  
異嵐霏旦暮  
同孤高  
足禪觀恍忽去  
樊籠  
秦餘不易陟  
吳望  
此能窮水遠  
疑天盡霜明  
見海東  
歸雲填樹缺  
靈雨闕龍宮  
古



成遺殘壘蒼茫伯業空 登陽山二首 周天球似新字先生

正之 六正 周氏 公瑕

第十二開酉室墨梅水仙金箋面款在右

仙卉瓊英簇香花玉樹新月明江上望疑是弄珠人 穀祥 穀祥

玉為丰骨翠為裳兩肩盈 試淡妝最是雪殘春欲半滿庭 明月自吹香 文彭 文彭 穀祥

孤山風雪霽春色滿湖濱相約羅浮子來迎漢上人淩波弄 明月羅襪不生塵 彭年 彭年 穀祥

淡白輕黃解語華空江獨立思無涯梅兄礬弟如相見應說 清標自一家 文仲義 文仲義 穀祥

第十三開胡任輿行書金箋十四行五律一首

太液浮僊島淩空玉作槁苑花連鳳渚宮柳拂龍船寶殿琉璃

合珠林翡翠饒不因鴻雁翻那得到瓊霄 書祝 仲老年翁

壽

胡任輿

胡任輿印

明人各家書扇面冊

第一開石田翁行書廿行洒金面有季彤審定黎簡二印

入城常厭路迢迢野水孤舟且寂寥清話喜君今共酒曠懷須  
我更吹簫芡花白處蓂莢楓葉紅時逐漸凋一塔照人看已  
近漫催柔櫓送溪潮漢文久不見過八月望後一日始能一接  
而余裝在舟行色甚匆漢文亦不留遂共載而南余家去鄖  
五十里每獨行把書外惟一睡而已茲來煮蠔与芡與漢文



且啖酒雅話不覺其舟暫尔而達郭郭隱、可望遂為留此作

于扇頭庸紀佳會也 歲在癸丑沈周

印減

第二開文待詔行草十四行碎金面有河陽潘家書畫印

天上樓臺白玉堂白頭來作秘書郎退朝每傍花枝入保直遙  
聞刻漏長鈴索蕭閒青瑣靜詞頭爛熳紫泥香野人不識瀛洲

樂清夢依然在故鄉

徵明

文徵明印

第三開蔡氏表草書十五行碎金面有櫟園印

劍鳥翩、起玉塵相風微轉應芳晨璣衡共覩成文麗鳳鳥重  
經紀歷新鸞輅青旗迴獻歲朱絃疏口奏陽春漢酺萬國皆懽

慶瑤水年、口從臣 甲子元日早朝 民表

黎民表印

印第四開在草十五行無款碎金面有聽颿樓藏季彤翰墨二

北風吹草滿征鞍西度關門歲欲殘越國雲山千里夢官亭花  
柳幾迴看天口海上明河沒霜白城頭片月寒深夜逢君論世  
事酒酣還把劍珠彈

第五開顓仙行書十二行碎金面上角季子所藏印右角日  
高書画記鉅雲權月吟豪二印

月桂花上雨春歸一憑闌東西南北客更得幾回看紅衿映玉  
色薄暮無乃寒園中如許樹獨覺賦詩難 顓仙

徐氏子仁

第六開草書十四行片金面下角有季彤心賞印



一編授我恨差遲樹老應無口少時烟內丹砂雖有術鏡中白  
髮口如期本來面目今忘我過去光陰竟屬誰睫在眼前人不  
見後知當復賴先知 碧山翁 之濟

第七開香光行楷十六行碎金面有聽颿樓書画印

乃瞻衡宇至門雖設而常關 陶靖節辭 董其昌 謹

第八開眉公行草十二行碎金面有潘氏聽颿樓藏護坪二  
印

日照香爐生紫烟絕句一首 繼儒 公眉 一齋

第九開王酉室行楷十七行碎面金有潘氏鑒藏印

薄暮散春城冰開綠水明垂楊萬戶合初日候禽鳴蔚此美人

思感予羈土情迴看大道上車馬正縱橫  
併侶維舟處蘆花  
曉浪生疎烟過柳色細雨出鶯聲邈我冥心契重君携手情蕭  
條尊酒盡芳艸又孤征  
西室王穀祥  
王祿之印

第十開邢子愿行書碎金面有李彤審定印

洮河凖鯉綠波盈書到加餐萬里情晚磧皋蘭愁玉塞秋風羗  
管憶金城盤中赤柰霜前果寨外黃羊獵後羹聖主垂衣莫西  
顧已將方略付營平  
寄荆使君蘭州作  
邢侗藁  
邢侗之印

第十一開吳夢陽草書十五行碎金面右角下潘氏鑑藏印

蕩漾明湖夕照空櫻船小汎度春風天邊去鳥仍孤影雨後新



花復幾蘂蓮社不聞招謝客竹林端合許王戎相留那得春愁

入杯酒淋漓曲未終  
茅孝若招飲湖上夢暘似正口姊丈

允口

吳夢暘印

第十二開倪玉汝草書十五行碎金面有季彤鑑定珍藏檢  
未二印

平原浩々暢如鋪可有培塿一个無剩口千金購鳥語堪將萬

馬擬風呼靈文杜甫何惹肆朝服王戎奈酒壚徒尔紅塵徒尔

老脩人豈必勝侏儒  
元璐

倪元璐印

明人各家山水扇面冊

第一開文五峯竹石金箋面款在右工

五峯

五嶂  
總文

第二開山水金箋面點皴濃密雲樹迷濛竹外小樓一人凭眺坡間三人樹下一人畫法蒼老款偏右

壬戌夏月寫於卷石山房

張復  
復

第三開山水碎金面山峰遙峙坡上人家一簇樹色參差溪山明媚款居中左角下季膺父印

錢貢

錢貢

第四開山水碎金面峯巒起伏林木蕭騷筆意荒寒秋深景色款偏左

辛未秋日寫

沈士充

居

第五開山水水墨碎金面筆意清潤樹石淡遠有倪高士之逸致款偏左右角有新安鮑氏鑒藏書畫記

戊辰秋日

吳必榮

吳氏  
林符



第六開山水碎金面岩石突兀雲棧縈紆松老吟風帆高破浪筆意雅近唐解元款在左上

雲間莫是龍製

雲卿子

第七開山水碎金面點皴隨意邱壑天成林屋參差大家筆墨款偏左

孟陽畫

陽孟

第八開山水碎金面峯巒相對皴法蒙茸松柏陰中山樓危澤二人凭檻聽瀑坡上一人緩步山角一亭孤懸雲表款左

壬申秋日寫於晚翠樓

張宏

張宏度

第九開山水洒金面隨筆揮洒秀韵天成一樹一石具有倪迂淡逸之致款偏左

丙寅秋日畫 李流芳

李流芳印

第十開山水洒金面石壁巖：棧骨盡露山前老柏凝翠結茆三椽一人携杖歸來一童抱琴後隨筆墨蒼潤款偏左

古緣萃錄

弓六

十一

澄蘭室

丙子秋九月寫之璜

第十一開山水碎金面石壁玲瓏巖花雲護水中石筍波激  
花飛坡上一兔蹲伏芝蘭馥芬款右

庚戌夏寫贈口口王維烈

烈維

第十二開山水洒金面樹色丹黃嵐光遠近二人臨溪對坐  
風帆塔影極目蒼茫題款居中印首天畝郎

鳥去不驚野水闊帆歸偏畏夕陽催  
戊戌清和擬黃鶴山樵

法并題于竹深處袁尚統

統尚

第十三開山水金箋面萬木縱橫一峰隱約林間屋宇參差  
一人樓頭遠眺童子候門一人度橋而來款偏左

壬申春日寫為孟玉詞丈原起

劉氏  
振之

第十四開山水碎金面遠岫平波樹石簡淡是善仿倪者款  
左上



戊午重陽寫

陳煥

堯峰山人

第十五開山水碎金面巖壑清奇意境幽闢桃花高下洞口  
漁來是寫桃源別境也款偏左

沈昭

沈昭

騎牛遠過前村短笛橫吹隔隴聞多少長安名利客機閨  
用盡不如君百退子書

雷鳴

第十六開張浪山水碎金面溪田平曠遠山淡冶林間危閣  
高聳波心一棹疎來童子候門風景清絕款偏左

癸丑春

張復

復

第十七開山水金箋面一峰中峙羣巒輔之雲樹迷茫溪光  
掩映依山結屋數椽坡上三叟閑步山角浮屠高矗殿宇微  
露別是蘭若佳境也款偏右

甲子夏為赤城詞丈寫

白文萃

白文萃印

第十八開山水洒金面峯巒合沓洞口中開夾岬桃花一舟  
空繫山裏村落隱有漁人与二人對話是寫桃源景致

丙午初夏錢貢寫

錢貢  
書印

明人各家詩札冊

第一二開石田翁詩翰高八寸八分闊八寸二分二開闊五  
寸四分紙本

吳家華堂拔雲起四座笙歌間羅綺吳父吳母居堂中雄鳳雌  
凰自為侶逾七望八年並高黃髮髣々映兒齒廩有餘粟害餘  
金膝前又有麒麟趾養親行估吳楚間江海珍羞入甘旨堂前  
種椿父壽長堂背栽萱母心喜椿樹今垂庇下陰萱花古聽宜  
男語母採萱花才春酒父握椿枝壽海水海塵吹綠海中桑笑



與黃山較年紀 余友口口來求椿萱祝親之壽樂為寫題

弘治己未歲端陽日沈周 昭

鐸題語是繪椿萱圖惜畫佚去矣

第三四開吳範庵詩翰高八寸三分前濶九寸二分後濶七寸紙本行楷廿一行

惠山泉石罅迸流聲潺湲千里萬里爭相購品題名奪江心傳  
德生家住此山下不鑿而飲與俱化人云似是上池來清風神  
識增穀價年未二十游帝京風流意氣揖公卿日逐胡姬過酒  
肆曾隨都護出長城浮湘適越臨荒甸九州五岳游欲遍雲踪  
憶昨過羅浮相逢池上春飛燕與君相見即相知浮雲流水共

期浪迹埋名人不識海上韓康賣藥時竺西移家今咫尺杖屨  
過從忘日夕解作通人出世談能一死生齊順逆羨君無日不  
看花羨君有錢向酒家何日謝絕區中累與君方外弄烟霞朝  
讀黃庭看日出共檢丹經理芝朮世上那知春復秋逍遙自得  
長生術 右惠山泉歌贈德生盛老先生并求郢正 延陵吳

寬

吳  
博源

第五開李賓之書札高五寸八分闊九寸二分紙本行書八  
行右角下樂疇堂藏書畫印

錢生恃愛奉乞教言不敢徑請謹代達此懇病暑弗恭一二日  
奉卷請書容謝不悉 友生李東陽頓首治齋先生尊契 賓



第六七開金山農詩翰四頁高八寸九分闊三寸九分末頁欠三分紙本行楷十二行

浮世功名食與眠季鷹真浮水中仙不須更說知幾早只為尊  
鱸也自賢 濃潤侵衣暗香飄砌雨中花色添憔悴枇杷樹下  
立多時不言不語猷：地 眉上新愁手中文字因何不倩鱗  
鴻寄想伊只訴薄情人官中誰管閑公事 弘治癸丑八月廿  
又三日風日晴朗賞心閣閑書 山農

赤松

金元

第八開聶大年書札高七寸一分闊七寸六分紙本行楷八行有雪泉所藏印

故人張知州卒于官來求不肖作墓誌欲得名公篆額昨稟已  
承許諾故敢干瀆乞即為書之容當謝 辱知大年拜內翰考

功先生契家

聶氏  
大年

第九十開王陽明詩翰高六寸六分闊一尺第二頁盈三分  
紙本行草二十行

予妻之侄諸陞伯生將游嶽麓爰訪舅氏作別江滸寄懷於言  
風吹大江秋行子適萬里萬里豈不遙眷言懷舅氏朝登嶽  
麓雲暮宿湘江水湘水秋易寒嶽麓夜多雨遠客雖有依異鄉  
非久止歲晏山陰雪歸橈正遲爾 正德甲戌十月初五夕陽  
明居士伯安書于金陵之靜觀亭至長沙見道巖遂出此致意  
也

第十一開文太史詞札二頁上頁高七寸四分烏絲直行闊  
三寸八分小行楷六行下頁高七寸闊四寸行書四行紙本



新月挂梧桐良宵清又永丹桂滿庭芳秋色盈園壠正好度曲  
吹簫檀板相和相詠嬌倚瑩簇承寵無限情如湧夫壻覓封

侯拔劍揮星炯今夜相思兩地月華同拱萬里淨雲霞寐清

光莫惜更闌神悚

調紅檣近

徵明

徵仲父印

衡山

承珍餉領次多謝

徵明頓首

酉室先生

第十二開文太史書札高六寸八分闊一尺八分草書十一行紙本下角有休甯朱之赤珍藏圖書一印

近日在陳氏解后皂人具記數字度已省覽適聞范都諫早行  
燈下書得手卷附注草塞命殊不得佳也天台志輒乞一部  
郡中新集不吝并賜一二十月十七日徵明頓首東橋先生

執事 向許抄惠玉山名勝集何如

第十三開文三稿詩翰高七寸一分濶同昨書五行紙本

玉色吳牋勝陟釐端州古研墨花垂試拈閣帖間臨學不是羲

之即獻之

三稿

文彭

吳昌碩

第十四開黃姬水書札二則上頁高七寸六分濶四寸七分  
行草五行下頁高七寸四分濶三寸四分行艸五行俱紙本

諸公詩章昨附使先歸兄豈未之省耶石城先生深亦欲仿之

即日姬水再拜

秋澗契兄先生騷苑

殘字韵詩馳上乞評教向來諸會之作俟稍閒併詠一帋呈覽

也姬水頓首

秋澗契兄先生高士



第十五開王錫爵書札高六寸九分闊八寸二分行書十三行文不全不錄

第十六七開董香光奏稿上一開高六寸九分闊九寸九分下一開闊八寸一分小行書印直格廿六行板心立賞齋

陳言時政疏 臣聞居盈而戒豫者聖主之慮也憂盛而危明

者蓋臣之思也指瑕而摘韞者進言之節也矜愚而採善者沒諫之明也故下不以主聖而忘藥石之規上不以時平而忽狂瞽之論何也天下猶一身治天下猶治身也善治身者不幸其今日之強健而常計其後之無衰善治天下者不幸其今日之治安而常計其後之無亂欲後之無衰必察于和扁之言而調其漸雖飲食嗜欲之無所過差亦不厭其言之切而防之周也

欲後之無亂必審于忠臣之論而窒其萌雖政事紀綱之無所  
缺失亦不嫌其計之過而辭之激也竊見陛下以神聖御極而  
又能信任忠賢緝熙聖學百度咸理四徵無驚誠亦已致治安  
之盛矣然陛下春秋日茂聰明日廣正嗜欲憂勤之基也故人  
臣忠愛陛下者不以今日之已致者為幸而以它日之所常保  
者為憂何也難成而易敗者位也難勤而易怠者學也難約而  
易侈者心也難親而易簡者心人碩輔難疏而易惑者左右之  
便僻狎昵也故臣不敢槩摘天下之事而惟條其有關於聖學  
政治之本原者以獻惟陛下思其難而采納之天下幸甚



第十八開戴灝詩翰剪裝高七寸三分闊一尺六行書六行  
紙本

泉落青山出白雲  
縈村遶郭幾家分  
自從引作池中水  
深淺方

圓一任君 戴灝

戴灝之印

第十九開文震孟書札高七寸二分闊五寸二分紙本直格  
行書八行

此公已在胥江兄如欲晤之携舟至閭關外弟當出共載若有  
食物餽之弟當拊名何如不然空身一見明晨以小物了事可  
也知兄在汝劫家特此相聞汝兄想得意弟尚未往晤希為道  
意 德升親丈 小弟震孟頓首

下附錢陳羣書札一方不錄

第二十開鍾伯敬題陳居中列仙圖高八寸五分闊八寸二分草書八行文不全後款

竟陵鍾惺伯敬題

鍾惺  
之印

敬伯

李長蘅溪山圖卷

紙本設色高八寸長一丈七寸紙二接無高山峻嶺密樹長林而遠岫清溪丹楓綠柳扁舟蘆花野屋松林隨意點染無意求工然章法天成筆墨灑脫的是大家風範雖題仿北苑實近石田翁疎逸之作題在卷尾

壬戌秋日閒居檀園有以素卷索畫者輒效北苑筆意作溪山圖墨癡筆嬾所謂唐突西子殆不免焉知當發識者一笑矣

泡庵道人李流芳

李流  
芳印

李長蘅仿倪黃山水卷



紙本水墨高八寸三分長一丈二尺五寸三分紙三接筆墨  
淡雅邱壑自然林亭多仿倪迂峯巒雅近子久隨意點皴極  
見秀潤但沉着不及倪黃耳卷首有李流芳印長蘅氏二印  
下角有臣灝私印袁氏石根松巖氏鄒海勞氏珎戚園書禾  
儂書画雲巢六印畫後有袁石根平生真賞勞小山平生真  
賞竄晉山防三印跋上有嗜古軒石根二印中有小山氏汝  
南高士之後二印跋後有勞氏珍藏松岩秘脫之章二印一  
未識鈐縫處半印不錄程宗二跋在画尾題另紙

去年殘臘屏居檀園歲莫窮愁百感交集酒杯書卷皆為愁具  
篝燈無睡間以筆墨自遣或一木一石期於引睡而止偶展此  
卷嫌其太長初欲縱筆盡之倦而棄去後遂稍斂凡經十宿而  
成前後踈密筆皆不應置之篋中久未題字偶過吳門示松圓  
道人至武林示宗比玉皆以為可余視之亦復煥然轉自珍秘

矣湖上友人邨孟陽愛画入骨藏余畫獨多見此又欲乞之余  
告以不能滿志孟陽不信蓋過信兩君之言也夫余亦信兩君  
况孟陽哉如孟陽之愛畫藏之篋中與余無別不然十宿引睡  
之功三月窮愁無聊之感當終身与余作伴不忍輕擲與人也

丁巳六月十一日題於西湖小築

慎娛居士李流芳

李流芳  
長  
芳所  
藏氏

戊申春余同長蘅入山看梅己酉秋同觀月虎山橋丁巳四  
月余居停閨門長蘅將之武林因復同舟入山十年始成三  
游茲日天氣清和快水活風輕陰薄嵐一洗經月塵土之况  
相對閑止因出示此卷樹老石潤尋繹可愛其林塢村舍頗  
作同游橫雲細林間想余近亦時作小幅手似漸熟每惠意  
闌然踈長蘅初年亦多簡易然逾熟逾密肅然神完而意周  
非中有所得不能及也舟行次靈巖山麓嘉燠題  
初展之見林巒岬樹極掩藹可喜細尋邱壑邨落亦自紆迴



向背時、合黃癡倪迂法此長蘅得意筆也長蘅猶自言卷  
長手嬾時作輟未免有斷續可議不知余所喜正在此豈欲  
如今名手描成一片乎丁巳五月初九日宋珏題  
己未春首郇孟陽兄自杭至華亭曰入予邑南境先訪長蘅  
於南翔里明日入城見訪西過閑孟夜飲極為酣適意欲乘  
醉而別坐中諸君相與挽留且有欲携具過小樓者遂為復  
留一日携長蘅畫卷展玩時長蘅北上以夜不成寐而還余  
見其後題歎曰此固其所以病也長蘅雖未遇貧困固士之  
常學道深信如君豈有不釋然者願此中未能与境緣相忘  
不覺為所動耳如此卷墨妙蕭然能令覽者意思灑落如出  
塵室而游清虛甯有筆墨至此而其神乃不能自持者耶吾  
願孟陽仍以此暫歸長蘅使其一展卷間了見昔年意在  
筆先者作何境界何由卧不成睡雖謂即千金良方可也孟  
陽以為然乎否耶正月廿又七日婁堅題

秋霽

小山仁兄屬題李長蘅溪山秋意圖

明淨嵐光翦

吳淞一片冷楓蕭瑟水上烟痕石邊落暈平添幾分秋色豁

藤翠滴杜陵有句融殘墨謔自惜霜髻低垂

詩題中有人松

同作苦吟客

鐘沈破寺約斷孤邨轉眼蘼蕪暗驚寒碧換

山家悠、歲月松風飛響散。瑶席一朶白雲僊。夢隔舊時籬。  
落斜陽畫出知君帽簷簪菊畫中移。展嘉慶  
己卯九月七薌改琦填稿  
改琦印

### 李長蘅山水軸

紙本水墨高四尺二寸五分潤八寸八分層巖複疊高樹清  
疏臨溪一亭對有飛瀑筆墨秀潤不落恆蹊有高士之風左  
角下有達廷鑑藏印款在右上

戊午秋日吳江舟中畫

李流芳

李流芳印 長蘅

### 鄒衣白山水軸

絹本設色高三尺三寸四分潤一尺六寸二分山峯對峙瀑  
布空懸老樹枯松分列巖畔依山水閣相對俱在亂石縱橫  
中乾墨秀筆畧施青絳氣韻如生右角下衣白天仙骨王左  
才二印強恕堂一印款在右偏右



雲斂天池淨秋清石壁高道人多眼力摹寫到纖毫 丁丑又

四月八日臣虎題

鄒之麟

虎

楊龍友山水軸

紙本水墨高二尺一寸二分闊八寸七分縑頭突起皺法離披  
叢樹枯條掩映有致溪上水亭一人坐眺前後疎竹意境幽深款在左上

人愛石田翁畫謂得梅花道人奧旨而不知實係家學恆吉所授也  
昨過瓜洲坐兩水牕點筆作此幅意在吳沈之間蒙教老許為不惡  
即書數語以贈 龍友楊文驄 駁

半壁江山割可憐銅駝荆棘故依然閑情付与丹青筆一把  
酸辛叅畫禪 兵散潯陽草不青血流殷處楚江腥軍中文

武如蜂聚識見誰同老敬亭  
拈毫揮淚向誰論滿眼紅塵  
日色昏記否桃花留扇底一  
回首處一消魂已卯三月雪  
蕉庵主檢示楊龍友畫目題  
三絕以志感慨  
姜實節印  
萊陽姜實節

### 李君實花卉冊

紙本水墨八開高七寸三分闊一尺首冊有吳郡顧沅審定  
書画印邊紙上有旋香園柘林小印二印  
第一開梅花二枝一順一逆相抱中題

### 墨池得暖回春蟄入手東風筆一枝

嫩竹

第二開老幹折禿梅花一枝竹梢數片題右角上

雪融猶剩梅洲暖已新篠芳意自相接無從割昏曉所以山中

人默坐照了

華



第三開梅枝倒挂烟靄中橫右角下題

只有橫斜清淺口澹然標格映鬚眉

第四開梅枝倒蟠數花寥落水石縈帶藤蔓長垂右上題

搵香羅袖薰籠畔橫玉搔清鏡中不是合顰故愁思簾鉤難

約一庭風

嫩竹

第五開梅一枝山茶一枝題在右邊

不許迎風戲吹笛且教口口過牆東

君實

第六開坡石間梅花一枝幽蘭數莖右上題

誰家齋閣對林香種幽恬興味長

嫩竹

第七開竹松梅竹用雙鉤尤有別趣題偏右

竹低舞腰梅開笑口

韜

第八開墨梅兩枝清潤可喜題偏左

華光參補之皆寫墨梅不作圈王元始加意作圈務令勻

淨然鉄幹縱衡之勢衰矣澹游益復柔婉多態恐為孤山老人

減氣也竹嬾醉筆

韜

卞浮白仿古山水冊

紙本十開每高七寸八分潤五寸五分  
第一開水墨一峯陡峙林木陰濃山谿溪榭高下相映右題

倣北苑墨法文瑜

潤甫



第二開設色溪山明媚花柳參差無款右角下潤甫印  
第三開設色坡石磊砢溪流淡遠楓荻蕭颯遠岫迷茫右題

倣趙文敏筆 文瑜 甫潤

第四開設色陸壑飛泉踈林野屋烟嵐杳靄溪橋長橫款在  
右上

倣子久筆意 文瑜 甫潤

第五開水墨峯巒高聳結屋平坡疏竹長松掩映左右一人  
當軒默坐款在左上

倣王村明筆 文瑜 甫潤

第六開設色層岩疊起飛瀑爭流密樹陰濃遙岑對潁款在  
右上

倣梅道人筆 文瑜 甫潤

第七開水墨巖峯淡遠林木蕭疎臨水一亭筆意秀逸款在  
左上

做倪元鎮筆

文瑜

潤甫

第八開設色秋林蕭瑟遠岫空明小閣憑欄扁舟盪槳蘆灘柳岸風景清幽無題右角下潤甫印

第九開設色溪流淡蕩岩樹蕭森梧竹清陰一椽偶寄題在  
左上

別業青霞境孤潭碧樹林

下文瑜

潤甫

第十開水墨崇岩層疊密封森排屋宇參差溪山迴抱題款  
右上

癸巳新秋摹仿宋元名家十幀

下文瑜

潤甫

黃石齋書石養山九串閣三十人贊卷

絹本高七寸七分長七尺四寸絹四接小行楷都一百十八行

石養山九串閣三十人贊



屈正平先生原郢人易初本迪君子所鄙章畫志默前途未改  
沐浴衣冠不忍蝨蠅懷沙頌橘終冀一悟井渫心惻千古同故  
賈長沙先生誼洛陽人才人已雄蹕今屬古唾吐管晏遂擬舜  
禹取鑒二世乃發蹊蹙揣摩淮南如掌上指蘇秦之鄰李斯之  
師黷生學之蓋其弊矣

魯仲連先生

臨淄人

世不可輕志不可肆鮑焦無汲頌鄒魯無

掉理馬不擇芻何以稱千里達哉魯連所貴不仕

按馬上脫駿字

李青蓮先生

白彰明人千鈞過的撞牙息機漸陸遜高衆何能

為贖郭傲楊足掩一世有唐乾坤僅此兩事

樂昌國先生毅靈壽人圉齊結趙為縱橫始乃其舉止被仁義  
不失君臣不謀餘隸功成而不廢名立而不毀伊呂無終亦詎  
邁此

按被下脫服字

王景略先生猛北海人風雷瞋陰龍蛇所喜遠德近功暨肋屬  
齒圉鮮卑羗貽中原利司隸許將十牛弁子赴鄴之誠与伐晉  
契不謂不智

劉中壘先生向彭城人中壘引繩規切執政擬上揚亡布寬舒  
勝再起再廢遠動天繫瞻言千里遐燭來世劉宗不輦蓋其危  
矣智如陳湯謀安所施



韓退之先生愈南陽人文章易致性道難聞後文見性猶堂視  
室雄況之牆仰瞬郇峰退之從之倚肩去膝頤其顯言於星亘  
野中壘而後無有儼者

汲長孺先生

黯濮陽人

不往東越不憂河內矯制發粟始進已

介請見高門損大將軍其愚如何為難倫也

魏玄成先生

徵晉州人

開創易為才興主易為臣自比迂衡帝

俞孔明無欲勿欺仲尼所視誰云厥貌不逾中人

黃次公先生

霸陽夏人

次公朝聞傳經講室出剡揚越乃舉良

直潁川之治冠於漢世雖無神爵何損於治以武昭時寬和獨

著豈必為相乃干衆譽

張復之先生 詠濮州人 廉不言貧 勤不言苦 忠不言勞 功不言  
瘁 用智生智 著字前子 能見能行 能行能果 惟其有之 是以似  
之

第五伯魚先生 倫長陵人 伯魚通材 介然秉義 糞除陌上 劉芻  
會稽 乍顯乍晦 屢躋愈厲 雖少蘊藉 莫媿曾史

馬賓王先生 周荏平人 倫慮之言 適於正鵠 非文之為 切理乃  
服 火色鳶肩 騰上必速 假方求形 古豈有焉 画園范金 再見於  
斯



高令公先生允蓀人令公多聞深若無有妙理心多公得其九  
閔湛營辜毅然引咎雷電四至不改三就三弁宥密不顯於口  
艸屋緼袍期頤載壽皋陶咸德衛武同完

蘇子容先生頌晉江人子容精審不可親疎處紛能斷在驟能  
紆禮論澹中引讞容弁自証何傷証人不可同衆從謙違衆從  
下不問叛夷不多捕盜識大體者無逾此老

謝安石先生安太康人新亭呼吸笑而却敵易艸弥旬乃輟九  
錫遐算餘能仰摹宸極朱劉玄子各稱委任游涉整暇遂濟厥  
勝位置諸桓經遠無競既明且清允惟先正

李伯紀先生

綱邵武人

謙利伐邑師戒承家言雖伊邇知之則

遐前有唐耿後有黃汪通粘比幹昌存不亡嗚呼誠明此學已  
斷天壤不支莫之勝說

王逸少先生

羲之臨沂人

隨事行藏通識所貴規浩責萬動中

其會忠允之言絀於當權濟時適宜情倦乃興仰視許巢又何  
慙焉

白樂天先生

居易渭南人

香山初年以批鱗顯爭鍰絀確有則

有典直觸宸忌履虎幸免晚廢再出夷猶分司合離浮沈頗與

道宜



陸敬輿先生贅嘉興人是亦達人夙有令譽因事獻替觀變良  
悟興元推誠亟撤二庫分懷光營通琳楚路救蕭保竇亦靡回  
互嗚呼才難修眉多妒

蘇子瞻先生軾眉山人五采六翮節其兩足龍麟護齒倘亦殺  
角為奇何耦為名何祿天子輟餐黎庶薦福吁嗟大人勿傷孟  
博

宋廣平先生璟南和人首擗二豎直詰三思武韋之朝既有令  
儀迨於開元批繩易矣憂魑一言点遂漸廢觀其周旋折距毛  
揚屹如堵墻鄒輿是方

范希文先生

仲淹吳縣人

天聖建言希文始激待制論思豈為

越職慶厯黨禁於是趣成雖有格人亦虞好名環慶之勛著於  
西夏不就執政可謂大才憶在廣德徒步弼馬

裴中立先生

度聞喜人

勛業絲時平章絲運淮蔡易平鑄昇難

問艱虞惡賊安佚惡黨君子宣力小人伏莽以彼威德困於逢  
吉況其下者何能不汨

韓穉圭先生

琦安陽人

度生於識力生於量不言之教不議之

唱雖以權濟非學而何李杜自處猶虞胡越胡越自處一潰千  
決誰云渾樸不施剗劂



張子壽先生

九齡曲江人

曲江攷治曰重郡縣絀彼詩判爰得

其貫侍中納言不昇邊吏羞列絳灌亦遂不晏直斥房帷請誅  
胡雛誰謂斂情視彼屈盧

趙閱道先生

昨西安人

閱道出處上冢乃行履虎批鱗昌貴諫

垣按魏視蜀剛柔同串中和之致天子所歎侃、恂、在朝在  
閭皋夔章精爰程是書

李深之先生

絳贊皇人

不奪承宗非為姑息不討魏博非為懦

卻厚犒田興崛強歎息官人惟當豈問親識上黨千世不諛聖  
德疾風勁草好是正直

司馬君實先生光夏縣人君實文章天子知之曰邁董揚治平  
六劄三朝獻之曰唯所學一日辭樞黼展動色四害未除雖瞑  
不懌非獨獻可忝為先識

石養山中望廬之下別構數椽以別大雅左曰十朋軒軒不容  
憶壁間位置自管葛至周沈凡二十六人右曰九串閣閣僅九  
尺壁間位置自屈賈至李馬凡三十人皆異代同風韵實殊致  
道出儕輩迭為賓師趙邠卿之壁懸四像司空圖之墻引羣賢  
聊有所契託於同人 黃氏道周書

黃道周印

平幼

黃石齋楷書禮問冊



紙本十一開計廿一頁跋一頁又堵冲宇行略書後六開計十一頁每高六寸九分闊三寸三分礼問首頁有吾園口氏密之珍藏印曾在梁荏林家二印崇詰三小印末頁古瓦硯齋一印堵行略書後首頁有吾園崇詰一印又一印不識末頁藤華吟館一印禮問楷書書後帶行書後一篇見文集不錄

禮問 義興堵仲緘以六歲喪母十許歲喪父及祖既三十餘成進士自傷初時情文未浹乃伏墓泗泣制為苴削居廬二百七十日或問於史周曰堵子之追服居廬禮欵史周曰是禮所繇制何直禮也古者哭父母無時無時則雖百年猶可以期禫相起記曰舞斯愠愠斯戚戚斯歎歎斯擗擗斯踊矣堵子之登第堵子之舞也堵子之苴削居廬堵子之踊也辟禮其猶錦歟

錦生於帛帛生於機機生於絲絲生於繭堵子則所謂礼繭也  
從是繅之彌綸於天下或曰前此者有諸乎曰何必其有之也  
檀弓兩卷皆言物始何例之有曰然則諸先生所稱劉瑜法宗  
王文殊梁文貞沈思整皆幼罹艱閔長始追服則是古人常行  
之也曰舉其人則固多有之矣或起於亂離哀巨創深或漸於  
風教矯俗遂志范滂矩將客種牧解責之後乃自追喪袁本初  
自持母喪禫除之外復廬父墓二人者亦人傑也以至揚引追  
制於襄垣徐肅負土於汲郡皆起自單門霜風易悲王臻兄弟  
以名孝廉起家東海因此泣岵緣梓號桑皆名著於堂皇事表



於閭巷或持此終身或相起於五六年之內必若蔣公所云甫  
稱釋褐旋復結茨以彼初喪襄此新達則未有如堵子之夏者  
也或曰堵子既感屬纊之言克承先志進於祿養則立行顯揚  
列鼎前後足以為禮何必啜蔬枕曲復修鞠凶之儀乎史周曰  
嗚呼以列鼎揚旃為足以榮其親此道所遂絕於世也古孝子  
之為哀也始於為殯為殯不足而後為桐為桐不足而後取麻  
梲而裂之被之蓬、然若將委於蒿艸之中蓬蒿之下如曰父  
母之意以畫以繡則是直削之乖崖不如稻錦之為志事也或  
曰堵子感於世俗釋褐之後車過里門長者去匿降者持皂刺

候門不見尖頭鶴呼如迎皇尸以是大挹而為之至於苦由自  
將以愧夫世之鮮車怒馬者史周曰何為其然也被袞經者志  
不在於梁肉決癰疽者目不見飛鳥方堵子登第而歸循其階  
瞰其房見其詩書篋篋無一而非其祖考若妣者又無一可遇  
其祖考若妣奄忽一二十載則猶之朝暮也其荼蓼劬勞一  
宛然發轂哀咷禮遂以起方是時有雷霆鐘鼓堵子不知而謂  
鄉里之內怒馬鮮車者堵子容知之乎堵子所謂不以愧人而  
以愧己者也或曰堵子既感乃考屬纊之言以孝以忠思志思  
事無取涕泣以為佩服則曾閔而下樂正子春而上旦暮遇之



何取与王臻楊引之徒一節自靖者經然爭名史周曰夫是何  
名之有以季札子產之學也而不以孝名王祥劉殷行通於神  
明聲震於竹帛而出處結束多不可觀士苦無至性若有至性  
又委靡墜於流俗范宣沈麟士刈手見血淒悼不自勝方其血  
下淚出之時亦豈為名乎江漢之波出於甕口及其匯流而後  
方舟道德忠孝問於懷抱猶乳之問酒也昔子游觀於衛見孺  
子踊者告子夏曰吾始以踊為可以已也今乃知其不可以已  
或曰然則仲尼之不為之何也五父之殯既合於防猶是少孤  
也墓雨泣然則不更築身為攝相亦不加戚焉何也曰是聖人

也其手之所倚足之所履無少与長皆至矣予與堵子則猶五十而襄孺子之事者也曰然則堵子為之而不以是著於天下不亦可乎曰堵子何著之有月出而有輝霜明而有光月不以為藻霜不以為鑑使堵子而終於艸莽則亦負畚掩涕與襄垣汲郡諸賢者沒身焉已矣堵子既冠帶以文章道誼振刷天下情至者創義至者起特立獨行不悶不懼以孩赤救諸耄老亦何詎不可乎曰然則夫子之不為之何也曰周也則所謂樸櫟之人也何足以語禮周之喪父也已冠喪母也已仕矣離羣索居無書史之敝師凌之厲縞衣而負土玄裳而啜泣嗥然而鳴



窈然而呼不知時日若鳥獸之決驟識邱壑焉耳彼昔之不知則可以已矣而猶且不己若斷縻之續綆也夫周也則何足以語禮也崇禎庚辰四月黃道周書于石養山廬之下

深柳讀書堂

堵冲宇行略書後 庚辰四月十一日書禮論畢時已就燈艸  
再書此四帝情義未啻心腕俱窮要使後人不昧斯旨也

黃道周燈下艸

銘

堵公名永錫宜興人父維嘗禱茅山神夢予以牧牛童而生崇禎十年成進士自陳幼失怙恃未嘗一日養願假歸廬墓三年然後就職詔送之墓有枯桐再花人以為孝感後授學湖廣死於王事在當時必有以追表為非禮者故公為文辨之至謂不問不懼以孩提救諸耄老其意蓋有在矣此文作于崇禎庚辰四月按公于十一年戊寅七月召對忤旨謫江

西幕僚十三年四月以巡撫解學龍疏薦俱逮下理正。是月  
事而堵公于十年丁丑登第。後即奏請廬墓計公作此文時  
已在持服三年之後。所云二百七十日者。當時宜杖居廬實  
祇九閱月。它書傳聞之異。可於是文正之也。余遇公墨跡。輒  
收。購是冊。驚心動魄。楷法亦絕精。足以傳世不朽。而堵公他  
日致命遂志。卓然不負空山注復商榷之苦心。則以此冊為  
兩公進退之券可矣。晴窓展讀。敬識其大略。竊附於知人論  
世之義云。道光庚寅閏四月。福州後學梁章鉅識于吳門。  
奪情視事。居朝堂。彼哉將相。生空桑斯時。乃有堵進士名成。  
轉抱瓶壘。傷追喪廬墓。非古制求慊此心。行此事。黃公拊膺  
歎卓絕。盡闢羣言。明禮意。情至者創義。至起物。始檀弓。據經  
例。揚旗列鼎。為榮親。世上遂無忠孝字。桐華編成表奇行。士  
夫文章易灰燼。石養山中一冊書。見古須眉生畏敬。語長心  
重讀者。誰憤絕。綱維壞。梟鏡是月。天閨氣更豪。嗣廷拜杖銜。  
君命酉陽成。歸旋棄官。一朝弓劍悲橋山。故人遠隔武昌罷。  
各有怒髮衝南冠。牛欄牧兒有大志。擊賊縱橫出奇計。早時  
不用萬言策。國亡更奮勤王誓。農戍馬革願未償。區區血數升。  
魂逆逝事。後黃公死四年。河嶽星辰充正氣。嗚呼忠臣必求



孝子門人生所重君親恩黃公微旨堵公喻凜然大誼昭乾  
坤君不見廿年通籍半居墓涂生頌寃佚事陳又不見禱神  
乞子兆異夢冠帶儒衣無此人  
元和中朱綬 道光十年庚寅閏夏敬觀  
仲環

### 黃石齋書荅眉公詩軸

綾本大行書高四尺三分濶一尺四寸一分連款三行

開眼欣當雪盡頭但云清老已難酬風前合醉千金壁重說佳

人不可求 寄荅陳眉公見惠梅冊 黃道周

黃道周印

### 周忠介竹石軸

紙本水墨高三尺六寸闊一尺六寸四分巨石一拳疏竹三  
竿筆力清勁款在左上下角缺補一山

撫與可筆 周順昌

景文甫

若人今已無此竹甯渡有那將侍直筆來畫驅雲帚君看危  
石上勢挾蛟龍走千秋秉奇節清風滿虎阜 崇禎甲戌春

日晚學瞿式耜謹題

榜新居士

前明崇禎時稼軒先生居諫垣力奏周忠介公清中之清忠  
中之忠其推重可知矣此幅竹既清峭再得先生題詠兩間  
偉人手蹟萃於一軸其可寶為何如也 道光丙申秋七月

後學張大鏞謹題

鐫樵

### 睦趙州小楷內景玉經冊

紙本十五開半計三十一頁頁朱絲界五行行二十字高六  
寸四分闊二寸六分首頁前有一石閣宋裔名家洪溪趙松  
鑑藏書画印三印末有朋梅心賞趙氏朋梅鑑定二印後款

崇禎癸酉八月杪趙州睦明永書第十三遍

無印

睦趙州書靜穆之氣令人之意也消蘭坡知所寐矣退崖賈  
臻觀



朱竹垞明詩綜載睦明永字嵩年丹陽人崇禎壬子舉人選授華亭教諭乙酉八月松江城破自經不死授泮水被執不

屈見殺有世經堂稿

趙州此冊於衡山雅宜外別樹一幟筆意略与京兆相似後跋有謂明人小楷如衡山京兆雅宜多以晉人為宗然魄力雄渾氣息深厚當以睦趙州此書為家非舊論也不具錄

### 邵僧彌寫山行舊句山水軸

絹本設色高二尺八分濶九寸二分溪石磊々飛泉湍激坡上老樹一株松梧各一俱極青翠二叟散步觀瀑樹裏遠山隱約氣韵清幽款在左上詩句十字小隸書

為探泉落處衣帶襍花薰 庚午首夏寫山行舊句 邵彌

邵彌  
之印

時瓜

### 邵僧彌梅花軸

紙本水墨高二尺八寸八分闊八寸三分梅枝橫斜疏竹數  
葉一雀栖息其上梅幹蟠曲竹葉瘦鈎款在右下題在上

瓜疇邵弥戲寫

江左僧孫

世浮名好是閒

湘浦半梢雲羅浮一樹春不將君子操誰配淡粧人 乙亥  
夏日題 竺塢南雲文點 仲敬

萬木未舒萌梅花獨先發好鳥識春色飛來伴香雪 丙子  
冬日偶題 隣平章夏 結山

最爾先開放百花俱讓君嶺頭逢驛使話到夕陽曛 丙子  
嘉平月寓西塘偶題 芋香宗渭 灌園人

八大山人花卉卷

綾本水墨五段高八寸長七尺九寸二分一段菊花二段芭  
蕉三段牡丹四段秋海棠五段山坡上芝草一莖款在四段  
下印不可識印首口竹園

戊辰天中節畫 八大山人



八大人覺經因以  
為號江西人故石城府王孫也寫山水花鳥竹木筆情縱恣  
不泥成法甲申後為僧

### 石谿和尚山水冊

紙本設色十開高六寸二分濶四寸五分首頁絹邊上有芥  
舟荔香齋二印副頁石谿墨戲四篆李慎題

第一開巖崖突兀草木蒙茸溪上茅亭一舟繫岸遠山如黛  
雲影波光風景清絕題在左上印首白禿

巍然壘石在溪濱可是從前應世身  
烟鎖薜蘿蒼翠冷全提千

### 古不萌春 殘禿

石谿

第二開岩石深邃飛瀑中流林外高樓波間小舫氣息雄厚  
款在右上

### 石谿殘道者

畫住道人

第三開峯巒重疊林木深濃山徑分明高樓危簷溪頭一人  
扶筇觀瀑遠山競出氣勢沈雄題在左工印首介邱

把茆蓋在玉屏中四面深、幾樹松我伴文殊分半座任他獅

象在門風 禿

銘

第四開樹林陰翳路徑曲折一人携杖尋幽月色嵐光夜景  
如畫款在右上

殘道人

電住道人

第五開邱壑玲瓏飛泉下瀉岩松蒼翠一亭踞巔一人携杖  
拾級而登題在右上

真樞必是在山深即上終南有路尋只此谷幽飛白練靜聽清

籟到人心 電住道人

銘

第六開層崖枯寂衆木蕭疎臨水茆亭溪雲掩霽是秋深景  
象題在右上



石谿殘道者作於天闕山房

好夢

第七開崖石合抱溪水澄清山閣臨波扁舟垂釣無題款左  
邊有石谿一印

第八開懸崖倒插飛瀑急流碧樹橫遮山樓中隱一人坡岸  
聽泉題在左上

雲際高山潁碧岑溪邊艸閣俯清陰等閒一雨秋枰樂消盡人

間塵俗心

白禿

殘者

第九開峭壁高撐疎林互映溪邊水閣數椽二人憑欄而望  
風帆沙鳥有咫尺千里之勢款在右工

石道人作

殘者

第十開山嵐疊峙樹木周遭溪橋平鋪山屋鱗次氣象濃鬱  
一望無盡題石上面右角李柏蓀閣中所得左角芥舟二印  
絕壑無人獨結廬楸陰晝落一床書已窺東漢多名士唯有焦

先媿不如 石禿

石谿

石谿和尚山水大軸

紙本設色高九尺二寸五分闊三尺六寸二分崇山峻領密樹長松雲抱溪迴坡平壁峭山下叢林之內茅舍數椽二人堂前坐對蕉竹清幽窗軒靜寂一人携杖由山徑拾級來訪溪上則扁舟逐浪岩間則古寺插雲水複山重筆酣墨飽其魄力之大氣勢之雄石田翁無以過也右角下有好事夢印又雲山蒼々江水洋洋先生之風山高水長藏之名山傳之其人二印其上有無棣李佐賢生平真賞石泉主人秘玩二印左角下有流水今日月月前身五岳游人二印題款右上

茅茨門何向荒苔迢々斜扶筇人過舍曲沼水穿沙舊種娟々

竹新開冉々花幸來居此地此地絕無譁 位置誠何意巔屹

擁若罔望中拔地險削處入雲孤近戶嵐光合遙峰秀色殊移



山將有托未可笑吾愚 壬寅中秋前作于天關山房 茂壤

石谿殘道者

石谿道人

石谿和尚山水軸

紙本水墨高三尺八寸闊六寸五分岩石磊砢林木蕭森水榭臨波溪橋架石一人扶筇緩步閣中二人憑窗坐筆意洒脫不染塵垢嘗論石谿山水如書家草法筆、空靈筆、沈實雖極恣肆而無不在規矩之中誠大家也左上題

入山往返之勞只為這箇不了若是了得這箇出山入山也好

古人所以云上口子几到洞山豈偶然哉石禿遂於課暇作此

數筆以當清供了此一日清閒一日仙之快事也 石谿殘道

人時在幽栖之大影堂

殘者

古緣萃錄

馬六

共

澄蘭室

石谿和尚畫羅漢軸

紙本設色高三尺一寸八分闊一尺一寸枯幹槎枒古藤纏繞枝間疊草一尊者坐其上兩手按膝前懸貝葉一束現相莊嚴設想奇闢右角下遇困青溪道人二印左角下一箇閒人天地間一印題在上印首介邱

世界婆娑安居是他問我來甚不說云何處上視下身寄高柯  
栖息無慮迺在烏窠人說我險我說你魔參空一切貝葉經多  
聽我說偈沙數恒河三洲無量即是弥陀 壬寅浴佛日 茂

壤石谿殘道人作於供佛闕中

石谿道人

石濤和尚詩畫稿卷

瓶麓齋舊藏

紙本設色高七寸四分長一丈二尺四寸帝三接山水花卉  
六段詩有題畫者亦有畫註意而錄詩于上者有与画不相



涉者大小行楷共十三首卷首有眼中之人吾老矣四百峯  
中箬笠翁圖書首題清湘註画稿第一詩五古楷書第二詩  
七古小楷在画右第三詩五言長律楷書四詩五律楷書在  
畫上

南歸賦別金臺諸公 鯤翼覆千里百翎難与儔曠然思天地

其六等蜉蝣倦倚蓬萊石典翻滄海流往來無逆志大塊終悠  
々吾身本蟻寄動作長遠游一行入楚水再行入吳邱乘風入  
淮泗飄來帝王州蘭蕙本契合氤氲相綢繆感君洗我心愧我  
汚君眸三年無返顧一日起歸舟良會實不偶悵懷那得休贈  
言勞紙筆繾綣當千秋

天下山水孰奇壯最奇不過閩与浙余生雖未游斯境舊昔曾

聞有人說峻嶺仙霞直上天蒼岳絕壁如臨淵王公出為兩省  
制旂旄鈇鉞經其巔昨天子近呼來景物依然尚念哉思之  
不見愛余寫一：細說傳其材嶺下白雲橫麓起巔頭紅葉接  
天開參橫樹木總無度劈立一松堪四顧披鱗帶甲嫩不勝百  
尺撐空多雨露氷霜早厲歲寒心近日春光猶託付翠竹連環  
萬畝陰風生清籟如瑤琴此間注目欲飛去目送江郎羽化岑  
清湘本為泉石客聞君此語愈冷心開襟便作巖嶼想落筆一  
搜華嶽林歲月驅人世粉墨揮黃金山川自爾同今古吾將以  
此贈知音 大司農主人屬寫仙霞嶺及古松并悲命意



不覩荆山玉安知圭玷華小堂初下榻歎院少移花時有高車  
過風標未許誇紅顏方乍對白雪敢吟呀輾轉忱難已躊躇興  
益奢禮文因病廢詩事寫心遐願借同堂手持書啓絳紗卧  
病慈源大司寇園公見訪尔時不知主人月公注便感賦以謝  
半世游雲客思君厯九秋黃塵空促步白髮漸臨頭倦矣懷商  
老歸子襲子猷薜蘿春盡月飄葉下揚州 寄梅澗公宣城天  
延閣

第一段畫設色坡岸平迤樹木零落一舟繫纜蓬窓中三人  
坐話看泊二舟對岸劃沙數筆第五詩即畫意在後

舟泊泊頭丁允元鄭延庵諸子清言雅論復索予書画作書以

贈訂方外交 古岬新沙錦纜收  
御河官柳送行舟  
號歌直接青雲外  
鄉語難分泊頭太  
息勞人勞自肯  
番嗟我輩為誰愁  
天涯南北逢知己  
敢不虛心翰墨酬

第二段菊花有小乘客印第六詩題画在左又第七詩草書  
七古一首

舟中九日夏鎮與諸同人遣興咲作 有香有茗脫黃花雖不  
登臨興也嘉舟上看山山勢轉水邊弄墨光華白衣携酒南  
陽獻烏帽拈題夏鎮呀總是客途寥寂甚平沙淺水接天涯  
半生南北老風塵出世多沒入世親客久不知身是苦為僧少  
見意中人天仙下世真才傑我了心力能超羣君視富貴如浮



雲游戲翰墨空典墳愛客肯辭千日酒風流氣壓五侯門四海  
漁樵齊拍唱歸來長缺歎王孫人生飄忽等閒情且隨酣暢眼  
縱橫感君白璧買歌笑醉客不放東方明傾情倒意語不惜回  
山轉海聞旃檀座客皆爭不盡歡歌兒散雜冰雪團凍雲匝地  
酒龍醒意氣崢嶸豪士全此夜真堪寫懷抱明朝詔下君王宣  
相思回首心拳拳 辛未冬日雪中張汝作先生見招才人傑  
士擁座一時公來月有都門之行賦謝兼贈

清相  
石濤

第三段墨竹一枝點蘭二莖第八詩五絕草書題画

但不著塵俗皆當附凌雲餘生有何係無如此二君 苦瓜和

尚濟畫法

第四段畫兩岸陂陀林間村落河流甚急一舟逆流而上繚  
夫兩岸挖舟一灣轉處布帆日照風景在目第九詩行楷七  
古一首即畫意在畫右上第十詩七古十一詩五絕或楷或  
分俱題畫又第十二詩行草七古一首

千迴百折故城河東傾西長分嵯峨白楊灌木參天柯處成  
行古道魔古塚荒碑廟逶迤水流浪打雪浪窩行路嗟嘆多崢  
嶸斧削飛岳坡樓船畫鼓快如梭錦纜人來寸寸可歸空糧艘  
遮天摩歌敲歌徹青雲和

地傾水瀉須憑闌千里雷迅怒嗥捲浪拋開珠散彩崩空舞  
碎雪分濤七十二門向北牢東歸此去漸憑高錦雲旋繞織秋



袍仙障中分虎勢，條鳴鑼擊鼓壯滔。行人駐看躍龍艚，飛帆  
擁簇駕園旄。推窗捲幔得揮毫。

舟行將八閘，湖水盪無涯。漁艇千家舂蘆花，一色沙。舟過八

閘為友人作畫

曙亭

眼中才子誰為是，燕山北道張天津。此時破雪擁萬卷，手巾笑  
謝酒半巡。一觴一韻字，真的真。艸稿惠何人，羨君顛死張顛  
手。羨君摧折李白神，贈我雙筵稱二妙。秋毫小楷堪絕倫，至今  
停筆不敢和。至今縮手時，為親知我潦倒病。念我無髮貧，授我  
以心法。憶我相思陳入城，出郭兩苦辛。傾心吐語皆前因，落

無知己滿面生埃塵奇哉奇不已長嘯謝西秦雪中懷張策

山

第五段墨山水岩岫峯奇洞壑深邃長松倒挂飛瀑急流一  
人臨溪觀瀑山邨隱々出層崖間枯皴濃勒意境極奇第十  
三詩画意楷書七古一首

天都直聳四千仞中藏三十六芙蓉練江二十四谿水爭流倒  
瀉子朝宗岑山砥柱中流溶烟晴二溪聲淙淙松風堂在籠叢  
衝至今開合散天下幽人往々矯如龍我生之友交其半谿南  
潛口汪吳貫君家得藥好容顏美髯鶴髮雙眸燦慷慨揮金結  
四方風流文采分伍昂默而不語神冥々琅然歌發散蒼々兒



孫滿座皆英才雄談氣宇生風雷狂瀾興發中堂開焚香洒墨

真幽哉 清湘瞎尊者原濟

龍眠濟

頭白眉然不識字

第六段畫坡上老樹一株中空現佛一尊瘦骨屹立長髮下垂兩目皆瞑後題篆書十字

老樹空山一坐四十小劫 昔丙子長夏六月客松風堂主人

屬予弄墨為快園中之人可呼之為瞎尊者後身否也呵

釋元濟印

瞎尊者

藏之名山

石濤和尚山水軸 瓶簾齋舊藏

紙本水墨高三尺九寸一分潤一尺二寸八分巖壑奇峻樹石濃厚山腰結屋上有長廊因山曲折飛瀑千尋直瀉澗底屋中人呼之欲出不特筆墨深厚即境界亦非人間所有深谷空山意中有此境安知寰中即無此境耶右角下一印搜

口奇峰打畫稿上題楷書淋漓

古之人同興於筆墨假道於山川不化而應化無為而有為身  
不炫而名立因有蒙養之功為生活之操載之寰宇已為山川  
之質也以墨法觀之則受蒙養之任以筆操觀之則受生活之  
任以山川觀之則受胎息之任以鞞皴觀之則受盡變之任以  
滄海觀之則受天地之任以坳堂觀之則受須臾之任以無為  
觀之則受有為之任以一畫觀之則受萬畫之任以虛腕觀之  
則受穎脫之任有是任者必先資其任之所任然後可以施之  
於筆如不資之則局隘淺陋有不任其任之所為且山之任於



山無窮山之得體也以位山之薦靈也以時山之變幻也以化山之蒙養也以仁山之縱橫也以動山之潛伏也以靜山之拱揖也以禮山之紆徐也以和山之環聚也以謹山之虛靈也以智山之純秀也以文山之躡跳也以武山之峻厲也以險山之逼漢天也以高山之渾厚也以洪山之淺近也以小此山天之任而任非山受任以任天也人能受天之任而任非山之任人也由此推之此山之自任而任也不能遷山之自任而任也是以仁者不遷于仁而樂山也山有是任水豈無任耶水非無為而無任也夫汪洋廣澤也以德卑下循禮也以義潮汐不

息也以道決行激躍也以勇滌洄平一也以法盈遠通達也以  
察沁泓鮮潔也以善折旋朝東也以志其水見任于瀛海溟渤  
之間者此非素行其任則又何能周天下之山川通天下之血  
脈乎人之所任於山不任于水者是猶沈于滄海而不知其听  
也亦猶岸之不知有滄海也是故知者知其畔听逝於川上聽  
于源泉而樂水也非山之任不足以見天下之廣非水之任不  
足以見天下之大非山之任水不足以見乎周流非水之任山  
不足以見乎環抱山川之任不著則周流環抱無由周流環抱  
不著則蒙養生活無方蒙養生活有操則周流環抱有由周流



環抱有由則山水之任息矣吾之任山水也任不在廣則任其可制任不在多則任其可易非易不能任多非制不能任廣任不在筆則任其可傳任不在墨則任其可受任不在山則任其可靜任不在水則任其可動任不在古則任其無荒任不在今則任其無障是以古今不亂筆墨常存因其決洽斯任而已矣然則此任者誠蒙養生活之理以一治萬以萬治一不任于山不任于水不任于筆墨不任于古今不任于聖人是任也是有其質也 大滌子質任章第十八 展筆開邱壑風光另有天如何舒老眼偏許白雲肩不化人間紫誰憑世上仙同心乘鶴

子細數醉花田 春日寄上瑞翁道長兄先生并求教正 清

湘弟大滌子極大本堂

阿瞻尊  
長者

石谿和尚詩畫屏

紙本四幅詩画各一方  
第一方行楷七古一首高六寸二分闊五寸九寸

黃鶴樓高不可登  
楚哀湘怨思難勝  
黃鶴踰躔杳何處  
樓空惆悵江流去  
江流滾滾遶山腰  
大別峯荒秋氣高  
萬家廢井迷烟樹  
夾岸征塵捲暮濤  
風濤萬頃來雲夢  
疊疊羣巒度搖動  
飛帆忽蔽夕陽來  
驚烽遙起騷人慟  
勸君弔古悞霓衣  
勸尔懷山早息機  
黃鶴樓高登不得  
羈心一片憶將歸  
登黃鶴樓 瞻尊



者濟

清相  
石濤

第二方設色山水高六寸九分闊一尺四分山勢峩嵯萬松層疊依山村落隱、溪水波平遙山爭出題在左上

人道龍鱗髣髴成祇今片墨氣如生披襟試向高山望風雨千

尋起自鳴

苦瓜和尚濟

清相  
石濤

第三方小楷七古一首大楷五律一首高濂同第一方

八月九日問歸船雲間吏跡空留連主人愛客興非淺不惜十

年傾惠泉秋風作雨滋枯田蕭、瑟、來輕烟興酣落筆許誰

顛詩成問字有青蓮神交千里事非偶一朝別去思脫然敬亭

閣上重回首雲裡呼君、聽否 秋日客雲間留別智達上人

兼呈趙準白時余居宣城之廣教寺寺在齊雲之麓

夜雨傳香細微風何處來清心知欲吐撲面定全開去水人家  
近隔林舊院裁呼童先訊王新月好徘徊 新桂流香簡友人

作 石濤濟

釋元濟印

第四方設色山水高七寸五分滴一尺岩石起伏紅樹參差  
萬頃澄波遠山如黛舟泊平沙遙接天際清湘画中之極精  
細者題在左上右角下已巳二字左角下烹雪山房一印

海晏河清 東巡萬國動歡聲歌舞齊將玉輦迎方吉祥風高

岱岳更看佳氣擁燕城堯仁總向衢歌見禹會遙送玉帛呈一

片簫韶真獻瑞鳳臺重見鳳凰鳴 臣僧元濟九頓首

源石濤



第五方行楷五律一首高潤同第一方

六樹雷大樹鍛鍊至於今兩起孤樗岫隄分破臂琴插天神護  
力捧日露沾襟偶向空心處微聞頂上音 題雷熱古銀杏樹

石濤濟道人

瞻尊  
者

第六方水墨山水高六寸闊一尺山坡臨水脩竹萬竿右角  
下有守參所藏輔國將軍博尔都號問亭之章左角下子孫  
保之印題在左上補款在右

拂風霏雨自然青莫道東湖異洞庭君但一茗留與對吟成如

見曉濠溟

石濤濟

清湘  
石濤

辛未補款作供問亭先生大維摩心 元濟

第七方楷書七律一首高六寸一分闊六寸右角下葉夢龍  
印端谿何永子瑗玉號蘧庵過眼經籍金石書畫印記硯旂  
藏本三印

山勢盤紆一徑斜雲垂四面日光遮清波石打天門雨紅葉船  
衝洞口霞客過魂銷悲往事亭空樹老不開花當年歌舞人何  
處獨剩荒臺起暮笳凌敲臺在太平府黃山去北門五里舊  
時江水繞其足今去采石廿餘里余因訪無相寺偶登臺賦此

瞻尊者濟

釋元濟印

第八方設色芭蕉高六寸九分闊一尺芭蕉一本巨石一拳  
細草綠坡映帶有致題在左上右角下有問亭竹朋真賞印  
懷素學書種蕉代紙兩餘墨汁淋漓應是此箇境界清湘石



濤濟道人

水雪悟  
前身

浙江和尚山水冊

紙本十開高六寸六分潤四寸三分每開有小百尺樓或小百尺樓珍藏印

第一開設色山坡壁立兩岫輔之坡下野屋數椽前有二閣孤松小樹點綴有情左角漸江印

第二開水墨水邨一簇坡岸參差溪水幾灣遠山一角無款弘仁一印在画心

第三開水墨一峯中峙飛瀑旁懸老木枯藤縈繞岩上皴法簡淡筆近大癭左角下漸江印

第四開水墨碎石環抱溪流圍繞獨屋一間疎樹數株兩石罅處中橫一闌有弘仁印

第五開水墨岩岫玲瓏草木枯寂山麓茅亭上梅樹一株臨溪脩竹一簇石洞支石為案峭壁上石皆倒垂設想用筆無

不孤高絕俗右邊弘仁印  
第六開設色坡坨平迤急湍中流老樹撐空新株帶雨左角

漸江印

第七開設色懸厓峭峻古松倒垂水石清奇岩草縈拂右角

弘仁印

第八開水墨峰巒起伏雲氣環繞遠岫人家烟樹一片風帆

如駛有宋老筆意左角

第九開設色平坡巨石疎竹枯林用筆淡逸雅近倪迂右邊

弘仁漸江二印

第十開水墨磊石一灣疎林一帶水邊一屋以輪激水殆水  
碓也此外雲影密遮不著迹象題款左上向右讀

豐溪雨過時有幽禽啼樹殘雲冒壑藉資穎楮聊以寫懷 庚

子春記于介石書屋

弘仁

漸江

畫家爭說婁東派高簡應歸黃海僧攝取幼霞源洪谷山如  
斷骨樹如簪 癸未十月中浣与芥凡夜譚獲觀目題

漸江和尚山水軸



漸江無印

之玉  
詞魚

王魚生  
書畫印

藍田秋山紅樹軸

絹本設色高四尺九寸濶二尺九分石壁層峙上有飛泉紅樹青松掩映高下溪上一亭二人坐對泉流石上百道喧騰



款右上

乙亥春王月畫于吳山大觀閣 石頭陀藍瑛時年七十又五

也

藍瑛  
之印

禾田

按己亥為順治十六年先生七十有五當生于明萬曆十三年乙酉長烟客七歲畫傳故多列之于明今仍之



1575-467



